

DISPUTATIO INAUGVRALIS


De

# BARATTARIA,

Quam,

PRÆSIDE

DEO TER OPT. MAX.



DECRETO & AUTHORITY

MAGNIFICI, NOBILISSIMI, AMPLISSIMI  
ET CONSVLTISSIMI JCTORVM OR-  
DINIS IN CELEBERRIMA ARGENT.  
UNIVERSITATE,

Pro

Summis in Utroq; Jure Honoribus ac Privilegiis  
DOCTORALIBUS rite consequendis,

SOLENNI

Eruditorum Disquisitioni submittit

HENRICVS MEIER,  
BREMENSIS.

Ad Diem

Mens.

H. Lq. solitis.

---

ARGENTORATI

Literis JOHANNIS WILHELMI TIDEMANNI.  
ANNO M DC LXX

BALE

11

HENRICVS


1411

1411

1411

1411

1411



# J. N. D. N. J. C.

## THESIS I.

**P**erfecti, quantum etiam in exulcerato hoc rerum statu fieri potest, iudicis requisita delineaturus, quod ejus interventu suppululantia sæpe litigia mente potius æqua, quam manu iniqua terminentur, & tuta inter improbos sit probitas, atque aded unusquisque, quod suum est, juxta legum sancita retineat aut nanciscatur, optimè hæc ipsa momentolis simul adductis rationibus proponit Baldus in l. 2. n. 10. C. de Sentent. ex brev. rect. pag. vi. 251. dum ait: *In mente iudicis debent esse duo sales, scilicet, sal scientiæ, aliis est insipida; & sal conscientie, aliis est diabolica.*

II. Et quidem ut cibus, sale non conspersus, insipidus est, & palato saporem excitat minus gratum: ita absonus existit iudex, qui jus ignorat. Hinc Ovvenus lib. 3. Epigramm. 36.

*Lex sine rege, velut lumen sine sole fuisset:  
Rex sine lege, velut sol sine luce foret.*

Neque enim secundum leges potest judicare, qui leges ignorat: & exinde ignorantia iudicis, inquit Berlich. de Justit. pro Sum. temp. modern. Discut. 6. n. 6. calamitas est innocentis: Licet, pergit paulo post, in multis locis multi non aliter, quam muta simulacra, sine voce & virtute, in subselliis sedeant civitatis; qui melius de loculis & poculis, quam de moribus & legibus, & aptius de fabulis Æsopiciis, quam de tabulis & stativis Civitatis disserant.

III. Juris, quod tamen in Imperatorii pectoris scrinio quam maxime debet esse constitutum, ignorantiam prodic

*Claudius Cæsar*, sententiam suam nimis generaliter proferendo, & obscurum per æquè obscurum definiendo, dum ex tabella pronunciarî curavit: *Secundum eos se sentire, qui vera proposuissent.* Sueton. in *Claud. cap. 15.* Et Prætor, custos alioquin legum & a quitatis, juris non ad eò scientem se monstravit in l. 37. pr. ff. de *excusat.* ubi testamento tutor datus adito Prætor dixit, se tres liberos habere: adjecit præterea, habenti patrum legitimum tutorem, se vitiosè tutorem datum: Prætor ita decrevit: *Si legitimum tutorem habens tutor datus es, non est tibi necessaria excusatio.* Hic Prætor verum jus, quo excusatio tutelæ per tres liberos superstitis Romæ impetratur, *prim. Inst. de excusat.* missum fecit; & falsum jus, quasi legitima tutela excluderet testamentariam, amplexus est. V. *Willembach. ad ff. part. 1. Disph. 7. n. 11.*

IV. Satis autem patet, quod judex non tantummodo jus naturale & gentium, nec non statuta ac mores debeat nosse: sed quia jus nostrum civile Imperiali auctoritate in Germania est corroboratum, quod per tot secula à viris summi ingenii, summæ dignitatis, & summæ experientiæ in Republica omnium florentissima limitatum est, & limatum, adeoque summam spirat æquitatem, hoc quoque in judiciis juxta receptos ubique terminos debeat observari, ideoque non ignorari. Et quamvis *Lipsius* passim, ut & *Savedra p. 160.* sicuti quoque præprimis *Hippol. à Lapide in præfat. Dissertat. de Ration. Stat.* invehantur in legum nostrarum multitudinem; ipsis tamen reponimus illud *Forstneri ad Tacit. part. 1. p. m. 264.* *Quomodo diu non debet, majores semper patronorum advocata oratione, fore fraudes, si pauciores forent leges, quam quæ negotiis sufficerent? Si omne jus in incerto esset, idcirco, patronorum disputationem exigeret? & paulò post: Non agra civitas aut corrupta est, quia multas habet leges; sed multa sunt leges, quia agra civitas est.* vid. ib. d. plura.

V. Atque hic prior sal, videlicet scientia, quem *Baldus* requirit in mente judicis, etsi non perfectè adsit, aliorum tamen operâ potest suppleri: sicut in Romano olim Imperio Præfectos Prætorio & Præsides, viros pilos plerumque, quam stylo patriæ aptiores, habuisse suos assessores, qui in jure erant versatissimi, satis ex jure nostro elucescit. At verò posterior in judice sal, qui est conscientia, quod magis prodest aut nocet tum aliis,



aliis, tum ipsi judici, eò minus alienis suppetiis adjuvari poterit.

VI. Interim tamen, quantum & quoties hæc conscientia, quæ ipsius judicis judex est, in iudice corrumpatur, & diabolica efficiatur, res exemplis non eget, quibus nimium pro dolor! abundat. Et ut unum alterumvé tantum afferamus, quantum censoria virgula ab Apolline percutiantur iudices illi Græciæ, qui Phrynen, gravissimi delicti ream, nudatis niveis suis mamillis misericordiam eblandientem, hoc crimine absolverunt, eoque ipso conscientiam suam obsuscaverunt, videre est in *Secretaria di Apollo, sub Tit. A' Giudici della Grecia pag. 392.* Memorat etiam Abele in *Metamorph. Tel. Judiciar. part. prior. cas. 44.* quod Muscoviticus Czar, Jovan Vasilivviz, Demetrio Occinio, uni ex præcipuis suis consiliariis, jam inebriato in salutem duorum suorum Filiorum Principum grandem calicem uno haustu ebibendum propinaverit; quem cum Occinius ita non posset exhaurire, in cella vinaria interfectus est, & (ut quidam scribunt) diducto ori vino infuso. Ita vinum, cor hominis alioquin exhilarans, vitam Occinii; Vasilivvizi verò conscientiam acerbè contristavit.

VII. Præcipuum verò, quod conscientiam flava bile nimis inficit, & constupratum reddit iudicium, ut nunc sunt tempora, est aurum, & teste Propertio,

*Aurea nunc verè sunt secula; plurimus auro  
Venit honos, auro conciliatur amor:  
Auro pulsa fides, auro venalia jura,  
Aurum lex sequitur, mox sine lege pudor.*

Adducit Farinacius de var. & div. crimin. q. III. art. I. n. 2. Joa. Berberium in pract. part. I. rub. 13. de L. Jul. repetundar. n. I. in fin. qui credit, tempore suo paucos reperiri officiales, qui a pana repetundarum se excusare possint: Quid autem in posterum eventurum sit, solus Deus, qui æterno tribunali præsit, novit, inquit ipse: & rubric. 37. de concussione. n. 5. & seqq. testatur, suis temporibus nullos concussores iudices puniri, licet plures reperiantur, & quod propterea deliramentum reputetur, iudices de justitia relaxare. Sanè, ubi ita proceditur, ibi jus, ars æqui & boni, fiet ars equi & bovis impetrandi. Mihi tamen de iudicibus no-

stri temporis præsertim in Germania, quoad prius illud Berberii, melior subnata est fiducia; cum in dubio præsumptio regulariter tendat in melius, & insuper iniquitas judicis inferioris per superiora bene instructa judicia facile queat animadverti, & convenientibus poenis coerceri: quamvis non negem, non omnia semper ita perfecte ad amussim justitiæ esse accommodata. *Præsentia & præterita hæc sunt imperfecta, perfecta & plus quam perfecta omnia futura*, inquit Autor ille *de quatuor Elector. Secular.* Quoad posterius illud Berberii, quod nulli judices hodie puniantur, regeri potest illud Antonii Matthæi, ad *L. Jul. repetund. c. 3. non. 1.* ubi sic ait: *Quod de adulterij crimine in Gallia impunito Brissonijs retulit, ididem de repetundarum crimine in Belgio (adde, & in aliis locis) dicere posses: nempe huic crimini coercendo non tam judicium & poenam, quam accusatorem deesse.*

VIII. Quandoquidem tamen hoc crimen tam severis constrictum est legibus, & si liberius grassetur, magna inde publicis & privatis rebus afferuntur incommoda, nec religioni ætius devota conscientia semper in munerum acceptione propter varias Dd. opiniones, quid justum, quid injustum sit, discernere potest: ego in Disputat. hac Inaugurali *pulchram* (ut utar verbis Farinacii *de var. & divers. crim. q. III. art. 1. n. 1.*) *examinandam mihi propono materiam, & etiam in alio nostre ætatis fato practicabilem, videlicet de Barattaria, præsertim judicium: ubi tamen paucis etiam legatorum, testium, &c. quantum brevis aliqua disputatio capit, obiter aspergam: cum omnes species Barattariæ velle persequi ingentem potius requirat tractatum.* Ita autem commodè rem exsequemur, si primum *Barattariam* theoreticè quodammodo simus contemplaturi: deinde magis practicè, quæ in actionibus instituendis, foro competenti, modo procedendi singularia sint observanda, addituri.

IX. Primum itaque est, ut nominis hujus incunabula investigemus. Et quamvis veteres nostri Juri, ex quibus & à quibus *Corpus Juris*, uti dicitur in *l. un. pr. C. de rei uxor. action.* est compilatum, rem hoc nomine designatam non ignoraverint; *Barattaria* tamen vocabulum barbaro demum seculo aut declinante saltem Latinitate in lucem progenitum esse, ex eo, quod apud nullum purioris Latinitatis authorem reperiatur, mihi persuasum

sum habeo. Interim illud apud Jctos posteriorum seculorum habetur, ut testatur Menoch. *de arbitr. jud. quest. cas. 342. n. 18.* & catalogum recenset illorum authorum, qui hoc nomine utuntur P. Theodor. *Disph. crimin. IX. th. 1. lit. A.* Quoniam autem (ut gloriatur Pomponius Marcellus apud Suetonium de illustribus Grammaticis, referente W'issembachio *ad ff. part. 2. Disph. 25. n. 12.*) *Hominibus civitatem dare Imperatores possunt; verbus non possunt*: multò minùs nos hoc vocabulum in album Civitatis Romanæ recipere conabimur: licèt Baldus asserat, *vol. 1. cons. 33. n. 2.* quòd *leges nostra non subiaceant Frisiano*. Attamen quia hoc vocabulum apud plurimos posteriorum temporum authores est receptum, & unico vocabulo res vix ita potest exprimi, neque absurdum videtur barbaram rem barbaro vocabulo insignire,

*Convenient rebus nomina nostra suis.*

Eos, qui dicam nobis hac de re scribent, amandabimus ad Parnassum Boccalini, *Cent. 1. rag. 53.* ubi, cum in castris Grammaticalibus ingens tumultus exortus fuisset, ea de causa, an, *consumptum*, an verò, *consumitum*, debeat scribi? in eoque tumultu antesignani essent Manutius & Lambinus: Manutiusque vetustiori lapide, cui inscriptum erat *consumptum* Lambino nasum perterebrasset; Apollo id genus hominum ridiculè & nugatorie rixosum è Parnasso ejicere constituit, nisi Ciceronis & Quintiliani intercessionibus fuisset emollitus.

X. Derivatur Grammaticè *Barattaria* ab Italico *Barattare*, quod est, commutare. Compend. del Vocabulario della Crusca, in voce *Barattare*. Decian. *tractat. crimin. l. 8. c. 33. n. 9.* quia Judex hic munus suum cum muneribus commutat. *Barattare* etiam metaphoricè significat fraudare, & sic *Barattaria* erit deceptio. Speid. *notab. in voce Baratteria*. Sic Grammaticè: Logice autem *Barattare* descendit à *Barattaria*. Posset etiam Latine vocari crimen repetundarum, à repetendo pecunias illicite acceptas: sed quia L. Julia repetundarum hoc nomen sibi velut appropriavit; alii verò quoque sunt tituli, ut *t. t. C. de pan. jud. &c.* quide nostrà materia agunt, vocabulum *Barattariæ* à superiorum seculorum Jctis usurpatum retinuimus. Judex corruptus vocatur *Barattarius*. Amedeus de Castello. *de Syndicat. ab init. n.*



164. Ciceroni is dicitur nummarius iudex, qui & nummarium iudicium, nummariū tribunal, scripsit. Decianus, *d. l. n. 8.* nominantur etiam tales *donivori*, & dicuntur proverbio: *fabas edere*, quia olim fabis suffragia in sententiis ferendis dabantur, & ideo fabas edere dicebantur, qui ob suffragia quæstum faciebant. Græcis *Δωροφάγας*, Germanicè *Bestechung*. Munera, ut refert Farinac. *d. quæst. n. 236.* antiquo jure dicebantur furta & rapinæ; in jure nostro *sordes* nominantur *l. 15. §. 1. de Judic.* vid. Dn. Tabor. *de Suffragijs, pericop. 4. n. 18.* ubi similiter inquit, per allusionem dicta videri potest Germanica vox antiquior, *Gift*: pro *Obabe*, quod dona æquè ac venenum accipientes corrumpant, inficiant ac perdant. Sumitur Barattariæ vox vel *proprie*, & tunc significat permutationem: vel *improprie*, ut hic, & tunc denotat acceptionem munerum vitiosam. Et ita vel *latius*, & tunc comprehendit quoque concussionem, quæ invitis ob potentatum incumbit; vel *strictius*, prout nos ferè eam vocem hic usurpamus, & tum significat acceptionem munerum à volentibus oblatorum.

XI. Definitur, seu describitur *Barattaria* juridicè, crimen, quod committitur ab eo, qui, cum gratis officium suum teneatur impertiri, accipit illicita munera, ut magis vel minus id exsequatur. *Conf. l. 1. & l. 4. de l. Jul. repet.*

XII. Dividipotest 1. ratione diversorum officiorum, quodd alia sit Barattaria iudicum, alia arbitrorum, alia legatorum, alia testium &c. Nostamen, uti dictum, præcipuè inhærebimus Barattariæ iudicum, de reliquis pauca tantum delibaturi. 2. quodd alia sit Barattaria, quæ committitur contra Jus Gentium; alia, quæ contra Jus Civile, ut si Legatis, quibus post peractam legationem sub habitu licèt ex Jure Gentium *gratialis* accipere, specialiter sit interdictum jure aliquo, ne etiam hæc accipiant.

XIII. Sciendum autem est, quodd *Barattaria* crimen plerumque ex Jure Gentium descendat. Et quidem primò in *judiciis* facillè consentiunt auctores, quanquam in ratione ex Jure Gentium assignanda varient. Nam referente & non dissentiente Farinacio *dict. loc. num. 151.* Navar. *in-constitut. Gregor. XIII. de dat. & promiss. num. 4. vers. Tertio quodd omnia.* hanc desumit ex illo *Matthæi 10. Gratis accepistis, gratis date.* Cui, quodd minus



mūs possimus subscribere, facit primò, quòd non omnia judican-  
di munera gratis accipiantur. In Gallia juridicæ & alia munera pu-  
blica partem patrimonij emtoribus hodie constituunt, inquit Wissenbach.  
ad ff. pari. prior. Disp. 40. n. 12. Deinde loquitur Sērvator noster  
d. loc. ad suos Discipulos, quibus dabat potentiam sanandi ægro-  
tos &c. unde argumentum ad nostrum casum longinquè admo-  
dum petitur. Plura adducere superfluum existimo. Mihi vide-  
tur proxima & immediata ratio optimè desumi posse ex ipsius  
Dei Lege, Deut. 16. v. 19. ubi sic habent verba : Non accipies ullum  
munus : nam munus excecatur oculos sapientum & pervertit sermones justorum.  
Quo in loco hæc assignatur ratio, quòd judex, licet alioquin  
sapiens, licet alioquin justus, non ita tum æquum & æqualem  
se præbeat utrique parti : cū alter ipsius oculus, quo muni-  
bus corruptus ab actore reum, vel corruptus à reo actorem de-  
buisse respicere, sit excecatus, indeque eveniat, ut neutro ocu-  
lo justitiam respiciat, & ita pervertat quoque suum in ferenda  
sententia suffragium. Hæc enim fuit necessitas constituendo-  
rum judicum, ut suum cuique tribueretur : & ut hoc obtinea-  
tur, oportet, ut judex non plus uni faveat, atque alteri, ac  
quemadmodum Pontifex loquitur in c. 1. de Sent. & re judicat in 6.  
stateram gestet in manibus, lances appendat æquolibramine. Confer. Hob-  
bes. de civ. cap. 3. n. 21. &c. Jam, ut dicit Angelus in l. 2. ff. de con-  
dict. ob turp. causa Si totus mundus veniret, non posset credere, quòd, si una  
pars det, & alia non, judex danti non sit naturaliter favorabilior. Imò non  
dans habebitur aliquali odio ; & si aliud non faciat, judex saltem aliquan-  
diu stabit, & instruet dantem, & ei dabit graves dilationes, & parti non  
danti nocivas. Quorsum non incommode spectant Rythmi Ger-  
manici :

Besser ist Günst in Judice,  
Als Recht und G'sch in Codice:  
Hastu ein Handel modicè,  
Mit Gab erschein magnificè,  
So wird nun honorificè,  
Dein Sach und bleibt nicht modicè.

Conf. Abeles Metamorph. Tel. Judiciar. part. 1. cas. 15. Quod ipsum  
studium partium, vel etiam ejus saltem præsumtionem esse in  
testibus

testibus, legatis &c. suo modo causam prohibitivam Barattariae, iidem autumo.

XIV. Hanc Juris Gentium prohibitionem suscipiunt, & ulterius confirmant Jura positiva. Quae ipsa ex Jure Civili & Canonico uberius per totam hanc Disputationem adducta videbuntur. Obiter notari possunt ex jure jurando, quod in Nov. 8. tit. 3. praestandum iis praescribitur, qui administrationes accipiunt, haec verba: *Purè me exhibebo circa subjectos püssimorum nostrorum Dominorum, contentus ijs, quae statuta sunt mihi de sisco, annouis. Si verò non hac omnia servavero, recipiam hic & in futuro seculo in terribili judicio magni Domini Dei & Salvatoris nostri Jesu Christi, & habeam partem cum Judä, & lepra Giezi & timore Cam &c.* In Ordinatione Camerali, part. 1. tit. 57. tale juramentum praestandum Dn. Judici & Dnn. Assessoribus praestituitur: *Es sollen auch Kammer. Richter und Beysiger / ein jeder / zuvor und ehe er aufgenommen wird / einen Eyd zu Gott und auff das H. Evangelium schwören. Dem Hohen und Niedern / nach seinem besten Verstandnuß / gleich zu richten / und kein Sach sich dagegen bewegen lassen: auch von den Partheien oder jemandes anders keiner sachen halber / so im Verichte hanget oder hangen wurde / kein Raub / Beschenck oder einigen Nuß / durch sich selbst oder andere / wie des Menschen Sinn erdencken möchten / zu nehmen oder nehmen lassen.* Simili modo jurant quoque Assessores Judiciorum Provincialium in Saxonia Lipsiae & Wittebergae alibi. Dn. Struv. *Dissertat. crim. 10. th. 15.* Sic Senatores Provinciae Ultrajectanae verantur art. 11. rub. 1. *instrucit. cur. provinc. ulla, quantulacunque sint, accipere numeram luigaribus coramivé procuratoribus.* Anton. Marchæi de criminib. lib. XLIII. Dig. tit. 8. c. 3. n. ult. Ita quoque in hac celeberrima Argentinensium Republica juxta Authenticum, quod consuetudo die Juratorio publice ante Aedem majorem Civibus solet praelegi, juratur: & verba d. Authentici huc facientia apud Lymnaum, de F. P. lib. 6. c. 3. p. 67, ita se habent: *Die obgemelte Einloßfler / nemlich die von dem alten Rath bleiben / und die auff den ehe genannten Donnerstag zu morgen zu ihnen gelassen werden / daß seynd zusammen Zehen Einloßfler / darzu die ehe genandten Zwanzig von den Handwercken / nemlich Zehen von dem alten Rade / und Zehen / die auff denselben morgen zu ihnen gelassen werden / die sollen*

sollen dann das Jahr die Rache seyn / und mit dem Ammeister an-  
 gehen in der massen / als gewöhnlich ist / und sollen auch alle schwe-  
 ren leiblich zu Gortz / alle die Puncten und Artikel / so von ihnen  
 geschrieben stehen / feet zuhalten / auch alle dieweil sie des Raths  
 seynd / keine Schenck / Wied noch Niewonzu nehmen / und wel-  
 cher die nehme / oder jemandz von seinerwegen / der soll Wetneydig  
 seyn / und wo Meister und Rath / die dann zu getien seynd / befinden /  
 das es geschehen were / die sollen es richten bey dem Eyd / als nach  
 besag der Ordnung in der Fünffzeh. Buch geschrieben. Es soll  
 auch der Ammeister / der dann zu einem Ammeister getosen wird /  
 schweren leiblichen zu Gortz auch keinerley Schenck / noch Wied.  
 wohnzunehmen / weder lügel noch viel / klein noch groß: 2c. Plu-  
 ra adhuc videri possunt apud Dn. Taborem, de suffrag. pericop. 4.  
 n. 19. Bremæ item, quæ mea mihi Patria est dulcissima, noviter  
 introducendos Senatores memini jurare, quod non velint judi-  
 care secundum dona & munera. Nec credo facile reperiri ul-  
 lam bene ordinatam rempublicam, ubi ejusmodi jura non inve-  
 niantur. Quin imò & partes tenentur in juramento calumniæ  
 jurare, quod nec judicem, nec testes pecuniâ aut aliis muneribus  
 corrumpere velint, ut tradit Magnificus Dn. Rebhan, Faculta-  
 tis Juridicæ Venerandus Senior, & p. t. Decanus, Præceptor,  
 Patronus, & Hospes meus Patris instar colendus, in *Hodogei. Jur.*  
*Chart. 2. Clim. 4. n. 26.*

XV. Causæ principales Barattariæ sunt personæ offe-  
 rentes munera, & ea accipientes. Sic Pompejus pro Socero Sci-  
 pione reo ambitus judices corrumpit. Plutarchus in *eius vita*. A  
 Clodij amicis judices in causa Clodiana manifestè corrupti fuerunt: cum  
 tamen, ut viderentur severius velle judicare, prasidium à Senatu impetrave-  
 rant: in quos dicterium illud Catuli, eos auxilium Senatûs implorasse, ne pe-  
 cunia illis data eriperentur, ex Cicerone commemorat Decian. tract.  
*crim. lib. 8. c. 35. n. 43. & 44.* Offerentes verò personas illas intel-  
 ligimus, quæ sponte offerunt, arg. l. 1. C. publ. lat. vel conf. Myrsing.  
*obs. 15. n. 1. cent. 2.* Paris de Puteo, de Syndicat. pag. m. 94. n. 5 Nam  
 si ab invitis extorqueat quid judex, concussionis crimen incur-  
 rit. Conf. Dn. Struv. *Syn. Jur. Civ. Exerc. XLIX. th. 92.* Neque ea,  
 quæ sic extorquentur, munera dici merentur. Offerre etiam  
 intelliguntur, qui promittunt, *Auth. Novo jure, C. de pan. jud. qui*



*mal. judic. Menoch. de Arbitr. jud. quasi. cas. 342. n. 29.* Imò qui so-  
lum tentant corrumpere, et si, dum effectu res caret, non pos-  
sint propriè dici causa Barattariæ, tamen puniuntur, ut suo lo-  
co videbimus.

XVI. Primarium verò requisitum, quod hîc notandum  
venit, est, quòd *sub respectu officij* à dantibus accipientibus debeat  
offerri, l. 1. pr. de L. Jul. repetund. Unde per se liquefcit, quòd ipsis  
liceat accipere à *sobrinis propiorè gradu cognatis suis*, item uxore, l. 1. §. 1.  
d. 1. quia id præsumitur dignitatis potiùs juvandæ causâ datum;  
Wesembec. in parat. ff. d. 1. n. 3. Nam ratio sanguinis tollit suspicionem,  
Gl. in d. L. 1. §. 1. verb. à *Sobrinis*. Uxoris donationi videtur ob stare  
l. 1. de donat. inter vir. & uxor. Sed responderi potest vel 1. cum  
Wesembach. ad l. Jul. repetund. n. 13. quòd alia donationum, alia mu-  
nerum sit ratio: vel 2. quòd donatum eatenus valeat, quatenus di-  
gnitati supplendæ opus est, l. 40. de donat. inter vir. & uxor. Apparet autem,  
quòd lex ab his exceptis quidem in infinitum ( seu non definito modo,  
Bachov. ad Tr. vol. 2. Disp. 32. th. 9. lit. A. ) capere permittit, l. 7. §. 1.  
d. 1. Ab alijs autem ( si officio Magistratûs non egeant, nec coram eo  
litigenti ) licet munera accipere, modò non excederent in anno aureos cen-  
tum, l. 6. §. ult. d. 1. Perez ad C. ad L. Jul. repet. n. 6 Ratio satis con-  
grua affertur ab Ærod. rer. jud. l. 9. §. 3. c. 24. Videtur, inquit ille,  
qui in Magistratu est, eis tam diu loco privati esse, quàm diu istis nulla con-  
troversia est, quæ efflagitet officium suum. Neque id abrogatum existi-  
mo per l. 6. C. eod. quæ loquitur de munere accepto pro beneficio præ-  
stito tempore administrationis, sub respectu administrationis.

XVII. Sed quid statuendum videtur de illo casu, quem  
proponit Cæpolla in libello de cautelis recens edito, caut. CCVII. sub  
rubr. ut nobis iudex faveat nolens, volens. his verbis: *Cautela*, quòd ju-  
dex, coram quo causa tua agitari debet, tibi faveat, velut, noluit; primò vi-  
deas, quòd, quando partes intendunt processum ad eum dirigere, præ-  
occupes tempus & facias tibi consulti in causa illa, mutatis nominibus, consen-  
sis in processu: ita quòd de facili pro te consulet. Et quando eris ad manus,  
poteris consilium ejus in mediam deducere, ita quòd contra consilium suum  
nihil audebit attentare. Exinde jam quæro: annon is, qui ita per  
cuniculos agit cum iudice, tanquam causa Barattariæ debeat  
censeri & puniri? Et licet iudicis animus, dum pro suo respon-  
so juris ab una parte præmiolum licitè accipit, ad illius partis  
favorem



favorem magis allici videatur : quia tamen æquè in respondendo, ac in judicando justitiam debet ob oculos habere, & si hoc neglexerit, pœnam falsi incurrit, Carpzov. *Crim. part. 2. q. 93. n. 56.* atque insuper præmiolum accipit in compensationem laboris, quia aliunde ipsi non remuneratur, unde singularis partium favor hoc in casu non aded potest præsumi ; & quia denique pars adversa hoc resciscens judicem recusare potest. Cœpoll. *d. l.* hoc stratagema juris à Barattaria immune esse censemus. In Ordinatione tamen Camerali, *part. 1. tit. 13. §.* Es sollen auch die Beyfigers / bene constitutum est, quodd Dnn. Assessores Cameræ Imperialis debeant abstinere à consulendo etiam in iis causis, quibus ante obtentum Assessoratum operam suam navârunt : nisi causa concernat ; vel proprias ipsorum personas, vel proximos cognatos aut affines.

XVIII. Persona accipiens (quæ etiam est subiectum recipiens, seu materia, in qua, Barattariæ) est illa, quæ, dum gratis suum officium debet impertiri, munus accipit. Et quia, ut suprà vidimus, iudex ex Jure Gentium prohibetur vitiosa mœnere accipere: ideo, licet sit absolutus (ut ita dicam) Monarcha, in foro saltem poli & conscientiæ is accipiendo munera reus erit Barattariæ. Lofsæus quidem, ubi rationem vult asserere, cur naturales Regis liberi tanta adhuc gaudeant dignitate, tract. *d. Ordres chapit. 7. num. 92.* ita scribit : *Il faut avouer, qu'il est d' estoſſe & qualuè trop plus noble & auguste, que celuy des autres hommes : Veu que Platon au livre 3. de Republ. dit : Que ceux, qui sont nais pour commander, composés d' autre metail, que les autres. Et Aristotele a dit encor plus à propos, que les Roys sont un genre moyen entre Dieu & le peuple. Dn. Müller ab Ehrenbach / Gamol. Pers. Illustr. capit. 26. n. 11.* Sed quamvis summi illi Principes sint Dij, morientur tamen sicut homines : & licet coram hominibus non possint conveniri, Deo tamen de suis actionibus rationem reddere cogentur. Bene Seneca Principes admonet in *Thyest. Act. 3.*

*Quicquid à vobis minor extimeſcit,*

*Major hoc vobis Dominus minatur.*

*Omne sub regno graviore regnum est.*

Imò ne in præsentī quidem vita apud homines existimationem suam,

suam, quæ Principi maximè debet esse cordi, talis Dynasta tuebitur. Satis ad ignominiam patet, quod D. Joh. B. Schuppius in *Salomone suo* oder *Regenten. Spiegel* scribit *capit. 3. in fin*: Jener geiziger Herr / zu ersparung der Unkosten / hielte keinen Rath / sondern anhörte alle Sachen selbst. Als nun zwey seiner Bawren einen Streit hatten / supplicirte der eine an seinem Herren / und legte in die Supplication einen Goldgulden. Da antwortete der Herr: Du hast recht. Kom künfftigen Mittwoch / ich will deinen Widerpart citiren lassen / und dem Schelmen schon sagen / was ihm zu sagen ist. Als der Widerpart das vernommen / machte er auch eine Supplication an dem Herrn / und legt einen Ducaten darein. Als sie am Mittwoch zusammen kamen / wolte der Herr weder deß Goldguldens / noch deß Ducatens entrachen; sondern schüttelte den Kopff / und sagte: Ihr Schelme / ihr habe alle beyde recht. Vertraget euch miteinander. Neque probandum est Augusti judicium, quo à Gallorum accusatione absolutus est Licinnus Galliæ præfectus, qui ipse nullum in ea provincia genus exactionū prætermiserat; & cum singulis mensibus à Gallis tributū penderetur, menses quatuordecim anno constituerat, dicendo Decembrem verè decimum mensem esse, itaque ultra eum duos adhuc esse oportere, undecimum & duodecimum. Is igitur accusatus à Gallis sic judicium elusit: Adduxit in aedes suas Augustum, multisque ibi acervis auri argenti que ostensis, Hac, inquit, datâ operâ collegi tibi ac Populo Romano, ne Galli tanta vi pecunia deficerent. Hac & tibi conservavi & dono do. P. Ærodius. rer. judicar. lib. 9. tit. 3. c. 16. Quod ipsum ab Augusto in bonam partem acceptum est. Ex quo colligi potest, subjecit Decian. *Crim. l. 8. c. 37. n. 26.* pecuniam & ipsorum Imperatorum oculos excæcare, & in ipsis repetundarum judicij repetundarum crimen committi.

XIX. De judicibus inferioribus minor est dubitatio, de quibus satis notabilis est textus in *l. 3. C. ad L. Jul. repetund.* Omnes cognitores & judices à pecunijs atque patrimonijs manûs absteineant, neque alienum jurgium putent suam prædam. Etenim privatarum quoque litium cognitor idemq; mercator statutam legibus cogetur subire jacturam. Conf. *l. 1. C. de pæn. jud. qui mal. judic.* Existimat quidem Farinac. *d. q. III. n. 241.* judices non habentes salarium, non prohiberi accipere munera à sponte dantibus: sed cum æquè militent  
suprà

suprà allegatæ rationes acceptionem munerum prohibentes in contrarium, & generalitas textuum adversetur, neque ipse, qui fundat sese in exceptione, hanc exceptionem probet; calculum nostrum ei addere non possumus. Et quoniam arbitria ad similitudinem judiciorum rediguntur, l. 1. de recept. in arbitris quoque non magna erit dubitandi ratio. Atque hæc de iudicibus.

XX. Legatis itidem Jure Romano prohibitum fuit, ne pecunias acciperent, l. 1. pr. de L. Jul. repetund. quamvis *ξίνα*, vi ipsius vocis, illos, ut hospites, potuisse accipere, cum hoc casu valde in humanum sit à nemine accipere, arg. l. 6. §. 3. de off. Procons. mihi persuasum habeam. Ex Polybio tamen enarrat Anton. Matthæi ad L. Jul. repetund. c. 3. n. 3. *Achaorum olim legibus cautum fuisse non solum, ne quis magistratus, sed nec privatus dona à rege quacunque tandem ex causa caperet. Venetos quoque, scribit idem Author, libertatis sue studiosissimos eandem sanctionem in Civitate diligenter custodire.* Rationem hanc addit: *Quum regum & liberarum civitatum res inter se naturâ suâ pugnent, existimabant non posse aliter fieri, quàm in publico gentis consilio, qui hujusmodi donis capiti sunt, aut regum commoda civitatis saluti antefereant, aut, si aliter facerent, ingratitudinis notam & opprobrium subirent.* Quemadmodum autem ex talibus rationibus sæpe prudenter, aliquando tamen nimis etiam odiosè de monarchiis in rebus publicis judicatur. V. Hobb. in præfat. de Civ. Vitium hoc plerumque est rerum publicarum, ut judicant quidam Politici, quod nimis sint circumspcctæ. Et ergo si hoc ex rationibus Juris Gentium est decidendum, circa legatos distingui potest cum Alber. Gentil. lib. 3. de legato & legatione c. 13. utrum munera honoris gratiâ, an verò corruptelæ causâ fiant: illa modestè accipi posse putamus, Dn. Struv. d. Diss. 10. th. 7. hæc non item. Quæ omnia ex circumstantiis bene judicari debent. Bene Zypæus de iudice lib. 4. c. 28. n. 16. *Legatus lantia ac munera, quæ discedens (nam antè vix sine corruptione illiusvè suspitione receperit) sumisit, more ferè admissio, domino indicet.* Testes quoque prohibentur munera accipere, l. 3. §. 5. de testib. Magnificus Dn. Rebhan. Hodog. Jur. Chart. 2. Elm. 4. n. 42. Denique omnes ii, qui in magistratu, potestate, curatione, legatione vel quo alia officio, munere, ministerio publico existunt, l. 1. pr. de L. Jul. repetund.

XXI. Equè his personis imputatur, si non ipsæ direc-

Ad, sed.

Ad, sed per interpositam personam accipiant, l. fin. ibi, sive per se, sive per interpositam personam. C. ad L. Jul. repet. Exemplum bene in uxore judicis ponit Farinac. d. q. n. 176. Nam, dum juxta gl. in l. 4. in verbo donet, ad setum Vellejan. mulierum genus est avarissimum, & juxta Ovvenum Epigramm. lib. un. n. 43.

*Eclipsin raro patitur Sol, Luna frequenter:*

*Est magis ad lapsum fœmina prona viro:*

si vir à muneribus se ipsum adhuc impollutum servat, mulier sæpius succumbit, & quemadmodum Eva Adamo, malum hoc viro suo postmodum porrigit. Generale hac de re monitum proponit Par. de Puteo. de Synd. in voc. corruptio. n. 12. Apud Tacitum l. 3. Annal. c. 33. Severus Cœcina, quamvis sine effectu, censuit, ne quem magistratum, cui provincia ovenisset, uxor comitaretur. Cogitarent ipsi, quotiens repetundarum aliqui arguerentur, plura uxoribus objectari: huiusmodi adhærescere deterrimum quemque provincialium. Notabilis est textus in l. 4. §. 3. de offic. Procons. Proscisci Proconsulem melius est sine uxore, sed & cum uxore potest: dummodo sciat Senatuum Cotta & Messala Consulibus censuisse futurum, ut, si quid uxores eorum, qui ad officia profiscuntur, deliquerint, ab ipsis ratio & vindicta exigatur.

XXII. Quin imò non solum judex tenetur, si ipse per intermediam personam accipiat, sed etiam, si intermedia persona sola accipiat: ut de eo, quod ejus domesticus, minister & manipularius acceperit, l. 1. C. ad L. Juliam repet. add. Nov. 8. c. 7. Nov. 161. c. 1. Earum enim culpam, ut Cicero inquit ad Fratrem, ipse prestare debet, cujus est eligere fidos, observare suspectos, coërcere corruptos. Anton. Matth. de crimin. ad L. Jul. repet. c. 1. n. 6. Distinguendum tamen est, ut dignoscatur, an ex vero delicto, an verò ex quasi delicto teneatur judex; utrum sciens prudensque homines tales rapaces assumferit, sive, cognitis eorum rapinis, illos non coërcuerit; an verò nescius, cum tamen potuerit scire? Priori casu ex vero delicto, posteriori ex quasi delicto tenetur. Facile autem patet, quòd loquamur de his personis, quas ipse judex sibi assumit; non, quæ ipsi ex publico adjunguntur: cum de iis eatenus tantum teneatur, quatenus eorum rapacitati sciens patientiam suam accommodat.

XXIII. Ex eo autem, quòd diximus causas Barattariæ esse personas, quæ gratis suum munus de jure tenemur prestare, non diffi-



difficulter colligitur, quòd ad hunc censum non pertineant, quibus de jure licet accipere. Nam pleriq; nec Medico volunt reddere honorem suum; nec operatio mercedem: nec tamen hac, qui ab invito accipiunt, per injuriam accipiunt, quæ potius per injuriam non darentur. Sed non ideo debet judex vendere justum judicium, aut testis testimonium verum, quòd vendis advocatus justum patrocinium, jurisperitus verum consilium. Illi enim inter utramque partem ad examen adhibentur, isti ex una parte consistunt, ut notanter dicitur in c. non sanè. 14. q. 5. Justè igitur Saul sub initio regni à subditis suis accepit munera in signum gratulationis oblata. Justè Proconsul & hodie Magnates vel eorum Legati munuscula illa, ut vinum, pisces, avenam accipiunt: & optimè huc congruit vetus illud proverbium: Οὐτὶ δάριλ' ἔτι πάλω, ἔτι παρὰ δάριον, neque omnia, neque quovis tempore, neque ab omnibus. Nam valde inhumanum est à nemine accipere; sed passim, vilestimum est, & omnia, avarissimum, l. 6. §. 3. de Offic. Proconsul. l. 18. de Offic. Præf. Ad has personas, quæ non prohibentur accipere munera, referendum est etiam c. 18. de Simon. A pauperibus verò, pupil-  
lis, viduis, & aliis miserabilibus personis aliquid appetere turpissimum foret, arg. l. unic. vers. quod si pupilli. C. quand. Imp. int. pup. c. administratores. 23. q. 5. Dn. Tabor de suffrag. pericop. 4. n. 21. ubi bene addit: cum auxilium illis quisque debeat gratis & per commiserationem, non nisi Judaicè hinc expectaret remunerationem. Quandoquidem etiam aulicorum munus non præcisè requirit, ut illi cujuslibet negotia Principi commendent, eo igitur nomine ab iis, qui desideria sua explicare cupientes ferri sibi suffragium postulaverint, ipsis licitè quid datur aut promittitur, l. un. C. de suffrag. Quod ipsum quemadmodum permisere Imp. d. l. ita & alii Principes possunt permittere. Neque d. l. tollitur Nov. 8. c. 7. quæ agit de suffragio pro magistratu accipiendo, quod cadit in crimen ambitus. Videatur uberius Dn. Tabor de suffrag. peric. 4. n. 27.

XXIV. Causa procatarctica Barattariæ solet esse primò, quando judices &c. non convenientibus huic splendido officio instruuntur salariis. Ideo Alexander Severus, ut ex Lampri-  
dio refert Decian. d. l. c. 36. n. 30. judices necessariis instruxit ita, ut Præsides provinciarum acciperent argenti pondo viconæ, phialas senas, mul-  
las binas, equos binos, vestes forenses binas, domesticas singulas, aureos cen-  
tenos, cocos singulos, & si uxores non haberent, singulas concubinas, quòd sine  
his

his esse non possint, ne scilicet provincialibus mulieribus molesti sint, reddituri,  
 deposita administratione, mulos, mulas, equos, muliones & cocos, cetera sibi  
 habituri, si bene se gesserint; in quadruplum reddituri, si male. Facit et-  
 iam huc, quod ex Annalibus Turcicis Lipsius in *Monitus Politici*, &  
 ex Lipsio refert Forstnerus ad Tacitum. part. 1. p. m. 191. 192. Cum Bajase-  
 tes Imperator fraudes & injurias Cadiorum suorum (ita judices vocant)  
 sapius jam audiret; iratus omnes in domum quandam includi & igne com-  
 burri jussit. Sed Halis purpuratus rationem invenit mollienda indignationis.  
 Habebat Bajasetes Aethiopem puerum in deliciis, lepidum, & ipsa garrulitate  
 amabilem, quem instructum, qua diceret, ad ipsum mitti. Venit igitur quasi  
 agnitus ad iter, quaerentiq; Imperatori, quid praeter morem hic vestitus? re-  
 spondit, ut peregrè eam, & ableger à Te ad Imperatorem Constantinopolita-  
 num Caligeros aliquot (hi Graeci Monachi sunt) arcesiturus, ut nobis jus  
 dicant, quoniam omnes tuos judices viâ occisos. Cui Imperator, ô Aethiopille!  
 inquit, nunquid illi sunt periti legum nostrarum? Et non sunt, opportunè re-  
 sponder, Halis Purpuratus, ô Domine! cur igitur peritos tollis? nam, refert  
 Bajasetes, cur male judicant? iterum Halis, ego, Domine, causam edam. Hi  
 nostri stipendium è publico nullum percipiunt: capiunt igitur mercedulas à  
 privatis. Hoc corrige, & illi corrigentur. Placuit consilium Bajaseti, & de-  
 crevit, ut, cui hereditas tot millium asprorum (id genus monetæ Tur-  
 cicæ est) obvenisset, in singula millena Cadio suo daret vicenos; in matri-  
 moniorum & ejusmodi contractibus item vicenos. Ita justitia subventum.  
 Unde etiam bene à Dn. Tahore de suffrag. pericop. 4. n. 13. adduci-  
 tur Melchior ab Offa Cancellarius El. Augusti in *Prudentia Regna-*  
*tiva*, c. 6. pag. 112. ubi sic concludit: Darumb wäre einem jeqlichen  
 Herrn / der gern in gutem Wesen seyn und bleiben wolte / besser / Er  
 besoldere und versehe seine Diener also / daß sie dieser Gaben und  
 Financieren müßig giengen / säme viel näher darauff / dann daß er  
 solchem Wesen nachhänge. Quamobrem satis congruenter Dnn.  
 Assessoribus Camerae Imperialis, à quibus in O. C. part. 1. iii. 8. re-  
 quiritur, In betrachtung / daß Sie von der Kayf. Mayest. auch  
 Ehur Fürsten / Fürsten und Ständen des H. Römischen Reichs /  
 an solche hohe Justicien verordnet / und an ihrer Statt sitzen / mit  
 zierlicher / christlicher Kleidung / auch sonst allem Wesen und Wan-  
 del / vor andern also stärlisch / ehrbahrlich und rapsertlich halten  
 und erzetgen / damit Sie Ihrer Lieb und Kayf. Mayest. und den  
 Ständen des Reichs zu Ehren / gegen männiglich im äußerlichen  
 Schein

Scheim dafür angesehen / wie billig / geacht und gehalten werden /  
 wie sich auch ihrem Stand nach wohl ziemet und gebühret / iis, in-  
 quam, satis congruenter salarium, quod antea quotannis erat  
 700. floren. nunc quotannis 1000. Imperialium constitutum  
 est, R. J. de Anno 1654. S. dieweil auch. Confer. Blum. Proc.  
 Cam. tit. 7.

XXV. Deinde causa procataria Barattaria plerum-  
 que est, quando officia, quæ solius virtutis debebant esse præ-  
 mium, licitationis sunt opprobrium. Ex vero apud Liplium  
 in Pol. l. 3. c. 10. n. 9. in not. Seneca de Benef. 1. c. 9. ait: Provincias  
 spoliari & nummarium tribunal, audita utrinque licitatione, alteri addici  
 non mirum: quando, qua emerit, vendere gentium jus est. Et Alexander  
 Severus apud Lamprid. c. 49. dicebat: Ego verò non patiar merca-  
 tores potestatum; necesse est enim, ut, qui emit, vendat. Digna item glo-  
 riosissimo Imperatore est illa vox Justiniani nostri in Nov. 24. c. 2:  
 Oportet igitur, ut qui hunc magistratum suscipit (semper autem gratis eum &  
 absque ulla datione pecunie ipsi conferimus, ut & ipse per omnia sordibus  
 absteineat, & his solis, quæ ex publico solvuntur, contentus sit, id quod etiam  
 prima nostra lex dicit) justè & purè & cum quadam asperitate humaniter se  
 erga subditos gerat. Et in jurejurando, quod præstatur ab his, qui  
 administrationes accipiunt, subjuncto Nov. 8. in fin. illi tenentur  
 jurare, quòd nulli penitus neque dederint, neque daturi sint occasione  
 dati cinguli. Add. l. ult. C. ad L. Jul. repetund. De mundinatio-  
 nibus officiorum in Gallia sequens judicium profert Thua-  
 nus Histor. lib. 24. pag. m. 1090: Kalend. Januarij, ut felicibus auspicijs  
 annus inciperet, lex promulgata, quæ, ut iudices spectatae integritatis &  
 eruditionis in supremis regni curijs & inferioribus subfelljs constituerentur,  
 edicebatur, ut in posterum penes ipsos iudices jus esset, cum aliquis in locum de-  
 mortui sufficiendus esset, tres probitate & juris scientia conspicuos nominandi,  
 ex quibus, quem vellet, Rex eligeret. Id sanctè & salubriter decretum Fran-  
 cisci Olivarij suassu, ac multoties postea repetitum, quò minus locum habuerit,  
 aulicorum ambicione & avaritia effectum est, qui emolumentum ex muneribus  
 publicis ac dignitatibus pretio irreligiosè aestimatis, & surpiter divendiis  
 capientes, ad augendum, sicuti jactabam, principis ætarium, pravis edictis ju-  
 dicio numerum in immensum multiplicarunt, & ita clarissimus ordo, quem  
 honorificum servari, ad omnes regni ordines in officio continendas reipublica  
 intoretat, paulatim capiti vilescere, glisciente sordium tenore, quo indigni ho-



mines nullis meritis, sed opum fiducia aut aulicorum beneficio ad eos honores proveci facile se corrump: passim.

XXVI Inter causas procacitatis etiam potest numerari nimia eorum, qui ad officia admoventur, paupertas, l. 6. pr. de numer. l. 46. C. de Decurion. Apologum hanc in rem adducit Decian. tract. crim. l. 8. c. 36. n. 34, qui ita se habet: *Vulpes, cum in foveam cecidisset, neque inde posset exire, muscis ardebat; quod cum criticus illac pertransiens vidisset, pietate motus, interrogavit eam, num vellet, ut ipse acutis suis stimulis muscas perfoderet vel abigeret: respondit vulpes, se nolle, quod scilicet, quæ tunc sibi infidebant muscæ, jam saturæ, non adeo infestarent eam: quasi abigerentur, aliæ statim famelicæ adessent, quæ, ut istæ, saturarentur maximo carni ejus dolore.* Denique huc etiam refertur à Tuldeno de caus. corrupt. v. judicior. l. 3. cap. 4. immodicus luxus, quo judices gravissima necessitas premit improbo quæstu infervere uxorum filiarumque & seculi prodigo cultui. Alexander Magnus quendam in ordinem judicum retulerat, qui capillos suos tingere solebat, quo intellecto, eundem removit: ratus non fore sincerum in iudiciis, qui fucatus in cultu esset. ibid.

XXVII Causa proëgumena est avaritia. Hinc ait Imperator in Nov. 8. pr. §. 1. *Avaritia omnium mater malorum, maxime quando non privatorum, sed iudicum inhaeret animabus.* Et Jethro Moysi in eligendo iudice consilium suppeditat Exod. 18. vers. 21. quod sibi debeat prospicere de talibus, qui avaritiæ sint inimici. Et Tacitus lib. 1. c. 2. *Annal.* causam, quare provinciales moribundæ jam Romanorum libertati non succurrerint, his verbis exprimit: *Neque provincie illum rerum statum abnucebant, suspecto Senatûs Populûq, imperio ob certamina potentium & avaritiam magistratum: invalido legum auxilio, quæ vi, ambitu, postremo pecunia turbabantur.* V. Zypæum de iudice l. 1. c. 16.

XXVIII Causam seu efficientem seu deficientem Barättæ sequitur materia, quæ hic restat solummodo, circa quam; & ea sunt munera, quibus iudicis animus ad dantis partes ita inclinatur, ut bilanx in eam partem, unde plus accipit, vergit, sicuti ait Berlich. *Discurs. de justit. pro stat. temp. modern.* 10. n. 2. ubi affert & hoc dictionem Germanicum: *Belts das stumm ist / machts recht, was stumm ist.* Eodem collimat, quod ex Gevara allegat Carpzov. *crim. part. 2. q. 23. n. 57: Das einer Belts so ist er ein Held / und der mit gulde.*  
nen



nen Äpfeln werffen (aliàs mit guldenen Kugeln ſchieſſen) tan-  
der behält das Geld. Nec non illud : *Tinnulas rationes præcipuam  
habere vim ad persuadendum. Simile est illud Ovveni Epigram.  
lib. 1. n. 100 :*

*Cuncta trahunt ad se magnates aurea : sicut  
Ad se magnetes ferrea cuncta trahunt.*

Nec facilè quis poterit resistere tot armatis. Ea ratione qui-  
dam in alicujus officialis nimis ad rem attenti foribus quibus,  
erat inscriptum, *Bonis semper patet*, B in D mutato, effecit scri-  
ptum, *Donis semper patet*.

XXIX. Aded autem extenditur objectum hujus vitii,  
ut Barattaria etiam committatur in unico nummo. Mascard. *de pro-  
bat. vol. 1. concp. 453. n. 1. Decian. tractat. crim. l. 8. c. 35. n. 9. Farinac.  
d. tr. q. III. n. 161. & ibid. alleg.* Nam, quod exceptum non est, ma-  
ner sub regula : & lucri odor ex re minima contagionem hic ex-  
citatur. Exinde etiam existimo decidendam celebrem in hac ma-  
teria quæstionem, an judici sit permissum accipere esculenta &  
potulenta, item xenia ? Fateor catervatim hic Dd. concedere  
in sententiam affirmantem, quamvis alii sub aliis præsuppositis,  
v. g. si judex nullo fruatur salario, vel si sit judex magnæ pote-  
statis, qui minima hæc non curet, per l. 6. §. ult. *de Off. Procons.* &  
l. 18. *de Offic. Præsid.* Sed quia, ut ait Sapiens Ecclesiast. c. 20. v. 30.  
*Ξένια καὶ δῶρα ἀπολυτοὶ ἐφθάρμυς σφῶν :* Xenia & dona excorant ocu-  
los sapientium, quam supra th. 12. genuinam esse in prohibiti-  
one Barattariæ causam demonstravimus : ergo ex eadem ratio-  
ne, idem jus in xeniis quoque statuendum. Confirmatur hoc ex  
modo allata ratione in unico nummo, quem accipere prohibi-  
tum dicunt Dd. Quid verò interest in hac materia inter num-  
mum & rem tali nummo æstimatam ? Facile enim quis potest  
imitari Themistoclem, qui accepta edulia retrò aliis vendidit.  
*Ærod. d. 1. c. 24.* Confer etiam l. ult. C. *ad leg. Jul. repetund.* ubi  
expressis verbis dicitur, quòd officiales debeant jurare se (*exceptis  
solis salarii*) nihil penitus accepturos; & Nov. 16. c. 1. ibi nullum continge-  
re lucrum, neque majus neque minus. Ad d. l. 6. & l. 18. respondet glos.  
in d. l. 18. eas esse sublatas per *Auth. scriptum exemplar. Collat. 2.* Sed  
nos rectius distingui existimamus, ut in simili Anton. Matthæi

ad L. Jul. repet. c. 1. n. 10. an Præses accipiat xenia ista, ut præses; an verò ut iudex: sive, ut clariùs loquitur Dn. Struv. *Disp. crim.* 10. n. 16. an accipiat ab eo, qui coram eo non litigat; an verò ab eo, qui litigat. De priori casu d. LL. exaudimus, quod ipse contextus suadet, dum rationem *humanitatis* allegat; & insuper ipsa vox *Xenia*, quæ à *ἑστιά* *hospes* derivatur, in proprio significato innuit. Et quanquam Xenia latins accepta etiam cujusvis generis munuscula significant, ut in allegato loco ex Sacristamé in dubio vox accipienda in significato proprio. Illustratur jam dicta sententia ex eo, quod Præsidibus nihil à provincialibus suppeditari debuerit præter fœnum, tectum & pauca similia. *Ærod. d. l.* Addunt igitur J Crī, non hic excludi esculenta & potulenta, quæ intra dies proximos consumi queant, sicuti nec Xeniola ad favorem Præsidis conciliandum à provincialibus ipsi data, quo favore cum per se aliàs teneatur completi suos provinciales, si repudiaret illa munuscula, non immeritò in suspicionem inhumanitatis apud eos incideret. Non itaque video, quomodo hinc argumentum ad judicem, ut is à partibus litigantibus talia etiam accipiat, peti possit. Conf. Tulden. *de caus. corrupt. judicior.* l. 3. c. 5. Obstare etiam videtur c. *statutum.* 11. r. Insuper ut *gratis. de rescript.* in 6. ubi in specie judici delegato permittitur esculentum & potulentum mera liberalitate oblatum, quod paucis consumi possit diebus, recipere. Sed respondendum existimamus, 1. Pontificem non hoc certò statuere, sed respicere ad jus civile, ex quo si *forſan* probari id possit (quod nos negamus) etiam ipsum hoc tum permittere, ibi, *forſan.* 2. exaudiri posse textum de eo, quod ab utraque parte simul, non ab una tantum parte ad sibi tantummodo aucupandum judicis favorem judici delegato offertur, ibi, *ab iisdem partibus.* Ac licet esculenta & potulenta videantur esse calcar expediendarum litium, ut alibi dicit Baldus &c. & minutula gratitudinis symbola, ob qua nihil magis aut minus in iudicio aut executione facienda procedatur: attamen non permittendum, ut vel hæc iudices capere possint, arg. c. *militare.* 23. q. 1. Nam & in minimis est affectio, & ex minimis si permittantur facilius ad majora optanda & capienda est via, verba sunt Carpovii *crimin. part.* 2. q. 93. n. 16. Add. Winther. in *Parthenio, Laisigssl.* 2. c. 10. n. 28. Quam ipsam rationem magis adhuc locum habere putamus in eo iudice, cui nullum constitutum est salarium; qui tamen

cum sit iudex, æquè æquum partibus sese præstare debet, & curet potius sportulas sibi augeri, quàm munera iniqua dari. Ad quas sportulas etiam respicere cenleo Nov. 8. §. *scriptum exemplar.* ut hoc ipsum optimè probatur ex Nov. 15. c. 6. *pr.* ubi pro decretis defensorum civitatum, siquidem civitates majores sunt, quatuor aurei; si verò minores, tres ipsis dantur, *sicut jamdudum constitutum est legibus.* Quod ipsum ibidè affirmari de defensoribus nullum habentibus salarium, satis ex eo liquet, quia ii, qui habent salarium, statim per particulam adversativam verò subjiciuntur, *versic. si verò quadam salaria habent publica, etiam hæc secundum consuetudinem percipient.* Et quod de Præsidibus in d. l. 6. & *dist. loc.* 18. dicitur, non huc posse applicari, patet etiam ex *th.* 24. *vers. Ideo Alexander Severus.* Denique (ut ædeam ad quæstionem principalem) quod attinet communem dissentientium Dd. opinionem, illa jus non faciet: & nostra quoq; sententia, uti ex hac ipsa thesi apparet, magni nominis J Ctorum auctoritibus suffulcitur.

XXX. Neque solummodo munus hîc intelligimus, si quid sit datum; sed etiam, si quid saltem sit promissum, *Auth. Novo Jure.* ibi: *se dedisse alicui vel promisisse.* C. *de pet. judic.* v. Par. de Puteo de *Syndic.* in verbo *corruptio* c. 1. n. 6. Omne siquidem promissum induit naturam debiti, arg. l. *fin.* C. *ad L. Falcid.* Menoch. de *arbitr. quest.* l. 2. *cas.* 342. n. 29. Et hoc eousque extenditur, ut obtineat, sive promissio sit acceptata, sive sit non recusata. Farinac. d. *tr.* q. 111. n. 163. cum, qui tacet, dum contradicere potest & debet, consentire videatur. Obrinet tamen hæc sententia, si promissio fuerit certa & specifica: nam si fuerit generalis & incerta, iudexque faciat justiciam, non tenetur de Barattaria. Farinac. d. l. n. 30. & 164. cum hæc generales & incertæ promissiones promittentem non ligent, l. 115. de *verb. oblig.* Quin etiam, si obligatione liberatus sit, potest videri cepisse, idemq; si gratuita pecunia data sit, aut minoris locata venditæ res sit: & generaliter idem erit, si quid omnino compendij senserit propter hoc, l. 2. & 3. *pr.* de *calumniator.* aut cuiuscunque contractus volamentum intercesserit, l. *fin.* C. *ad L. Fal. repet.* Conf. l. 16. C. *si cert. petat.* quæ cum l. 34. §. 1. *ff. eod.* conciliatur distinguendo inter eos, qui sunt subiecti Præsidi, & qui non sunt. Dn. Tabor de *suffrag. peric.* 4. n. 26. V. Farinac. d. l. n. 168 & *seqq.* ubi Bartolum affert ad has LL. qui declarat pecuniæ appellatione venire



nire omne commodum bursaile. Sic veterator quidam equum vetulum & ponsum cum generoso litigaturi equo permutavit, & ita titulum de permutationibus singulari litium glossa illustravit. Winther. Parthen. Litig. l. 1. c. 12. n. 16. Qui ipse etiam bene addit d. tract. l. 2. t. 10. n. 23: Non decet iudicem, ut se conviviis litigatorum nimis excipi patiatur.

XXXI. Materiam subsequitur Forma. Forma verò essentialis est, quam definitione expressimus; & dum eam in reliquis causarum generibus expendimus, formam quoque simul expendimus, ut cramben bis coquere non necessarium iudicemus. Quot accidentales formas induat Barattaria, dum modò pecuniis, modò solis promissionibus est contenta, faciliè itidem ex dictis elucescit.

XXXII. Finis pro diversitate corruptentium diversus quoque est; quamvis ratione corruptorum unius generis sit, videlicet rem suam adaugere. Respectu igitur corruptentium finis alius concernit statum publicum, alius privatum. Publicus iterum est vel circa sacra, vel circa secularia. In sacris ordines sacri pecuniæ expugnari solent, quam qui accipiunt, committunt Barattariam, quæ in specie dicitur Simonia, per quam res sacra venditur, sicut per Barattariam, strictissimè sic dictam, leges, quæ etiam dicuntur sacratissimæ, l. 9. C. de legibus, venduntur. Mascard. de probat. vol. 1. concl. 164. n. 10. Solet tamen etiam Barattaria aliquando Simonia dici. Farinac. d. q. 111. n. 6. De Simonia notatu digna sunt verba l. 31. C. de Episc. & Cler. Nemo gradum Sacerdotij pretij venalitate mercetur, quantum quique mereatur, non, quantum dare sufficiat, aestimetur. Profectò enim quis locus tutus, & quæ causa esse poterit excusata, si veneranda Dei templa pecunijs expugnentur? quem murum integritatis aut vallum fidei providebimus, si auri sacra fames in penetraha veneranda proserpat? quid denique cautum esse poterit aut securum, si sanctitas incorrupta corrumpatur? Presbiter, inquit c. 3. causâ 1. q. 1. si per pecuniâ Ecclesiam obtinuerit, non solum Ecclesia privetur, sed etiam sacerdotij honore spoliatur, quia altare & decimas & Sp. s. emere vel vendere Simoniacam hæresin esse, nullus fidelium ignorat. Et inc. non solum. 1. q. 3. istiusmodi dicuntur venditores columbarum, & qui domum Dei faciunt domum negotiationis. Quemadmodum plura ejus generis videre licet caus. 1. quest. 1. & seqq. Add. t. 1. de Simonia. Quem tamen titulum hodie in curia Romana amiquatum, falsè ex Panormitano no-



tae Costantius in l. 17. §. sicut. D. commod. ut refert Wissenbach. ad l. 182. de R. J. n. 3. ubi introducit quoque Ovvenum ita canentem lib. 1. Epigram. ad Principem Wallian. 8.

*An Petrus fuerit Romæ sub iudice līs est:*

*Simonem Romæ nemo fuisse negat.*

& alium ita:

*Si caput à capio vel dicitur à capiendo;*

*Tunc est Roma caput, omnia namque capit.*

Exstant etiam hac de re in Capitulatione Gloriosissimi nostri Imperatoris Leopoldi art. 19. cautiones. Author libri, qui titulum præ se fert SALOMONIS oder Regenten. Epicaels c. 4. narrat, venisse quendam Romæ ad Prælatum, cui facultas erat data aliquot præbendas elargiendi; qui, cum in examine fuisset interrogatus à Prælato, quæstione semper ab hoc Prælato in tali actu usurpata, quis fuisset Melchisedeci Pater, protraxit marcupium ducatis plenum dicens: Hoc fuit ejus Pater; & mox aliud, iterans: Hoc fuit ejus Mater. Prælatus mirabundus regessit, nunquam ita ingeniosè sibi responsum super hac quæstione. Sed utut sit hoc ingeniosè factum; ingenuè factum non est. Casus tamen, ubi licet accipere Clericis, vide apud Dn. Taborem de suffrag. per. 4. n. 25.

XXXIII. In muneribus publicis secularibus Barattaria præcipuè committitur, cum collatio munerum & dignitatum, quæ gratuita virtutis debebant esse brabéa, licitationi subijcitur, ut tum dignus & indignus æquè Ablativum regant. Conf. l. ult. C. ad L. Jul. repet. Nov. 8. c. 7. Quæ omnia à Justiniano rite decreta parum religiosè servata fuisse tradit Evagrius lib. 4. c. 29. Dn. Tabor de suffrag. pericop. 4. n. 27. ubi & Zonaram & Nicephorum & Procopium & Tiberium II. in testimonium adducit. Qui ipse tamen Dn. Tabor tandem in fine d. n. addit: Verum Justinianus Nov. 30. c. 6. super hac injuria protestatur, inquiens: Magistratum gratis nos creamus, & ordinationem ejus absque omnibus procedere largitionibus sancimus, neque quisquam erit, qui pro hac quidquam capiat. vid. plur. ibid. Conf. etiam Damhouder. Prax. Crimin. c. 133. Nostro, inquit Wissenbach. ff. ad L. Jul. ambit. n. 19. hoc seculo nundinatorio vix ullus est accusationi ambitus locus. In Gallia, teste Mornacio ad l. 3. §. si quid minori 7. de minor. ut etiam ad L. Jul. de ambitu & passim, nullum minus publicum, quale-

cunque illud sit, prater regni annulum, seu nomophylaciam & Cancellariam, quod stupendo pretio non veneat. Belgij quoque hanc labem castigavit Mathaeus de crim. lib. 48. Dig. tit. 11. c. 2. n. 3. Quæ tamen nos in medio relinquimus. Certè quoad militaria in Gallia, cum tot inveniantur, præsertim ex natu minoribus, quos *cadets* vocant, qui æquè dignos sese effecerunt ad obeunda officia militaria, ubi æqualis virtus electioni non relinquit locum, non improbandum est, si augmentatio ærarii publici lancem & lanceam ad unam partem plus propendere faciat. Munera etiam, quæ magis Filci reditûs spectant, quin justè & utiliter elocari queant, nullus dubito: cum sic ærarium de suis proventibus sit certum, & conductor meliùs iis, ut suis & ad se immediatè spectantibus, sit invigilaturus. Buxhörn. *Disquisit. Polit.* 42. *Naturale quippe vitium est, negligi, quod communiter possidetur.* l. 2. C. quando & quib; quart. lib. X. Dn. Struv. *Synt. Jur. Feud.* c. 1. aph. 1. n. 3. Quanquam autem dignitates non debent vendi, ut tamen de instrumento desuper confecto Cancellariæ proportionaliter taxa solvatur, injustitiam nullam sapit. Imò si reipubl. salus nummos desideret, possunt quoque dignitates vendi, ita tamen, ut nemini exinde inferatur injuria: quemadmodum Patritiatûs dignitas ingenti pecuniæ summâ Venetiis comparari dicitur. Finis item, cur Legatus corrumpatur, est, ut publicam Domini sui salutem prodat; cum alioquin debeat esse

ta etiam professione adversus pudorem munitus, nec repulsa nec contumelia admodum metuens, in tractatu de inducijs Belgicis ad promovenda Hispanorum commoda in Hollandiam missus, Cornelium Arsenium, Unitorum Ordinum scribam, arcanum ad colloquium invitabat. Qui Arsenius, quod res erat, futurum praesagiens, Principem Mauritium adit, jubeturq<sup>3</sup>, si quid magni muneris offereretur, accipere, detegendis hostium insidijs. Ubi convenire, Monachus sacunde gratias agere, quod ipso adjutore pax initia habuisset. Nam cum primum in Batavos Naja venerat, sequestre Craulio, qui Arsenium sanguine attingebat, primos apud illum invenerat aditus. Addit inde: haud sibi ignarum, quantum hoc facto Arsenius periculum adiisset, si res non ex voto utriusque evenisset, invidio semper ac suspicace plurimum imperio. Cupidum hunc Belgica concordia animum diligere ac grate astimare Archiduces, daturusq<sup>3</sup> olim majora, nunc domum ipsi reddere, quam Bruxella habuisset. Marchionem Spinolam eorumdem votorum participem, si aut pax, aut novem annis inducia convenissent, quinquaginta ipsi scutatorum millia polliceri. Horum millia quindecim, ubi vellet, representaturum, aderatq<sup>3</sup> manu ipsius Spinolae signata cautio. Suo deinde Naja nomine Uxori Arsenij donabat lapidem adamantem non vulgaris pretij. Arsenius de domo gratias agens, quam etiam sibi ex urbis Bruxella, quo tempore dedita erat, pactione deberi existimaret, cetera aliquandiu recusans, ut fidei sua gravia, tandem & gemmam & syngrapham accipit, remq<sup>3</sup> Principi & Principe auctore Procerum paucis renunciat. Mox de recipiendis quindecim millibus sollicitatus novis Naja literis, verensq<sup>3</sup>, ne anceps arcanum in pesus erumperet, omnem rei ordinem Concilio pandit. Visum Patribus chartam simul atque adamantem apud communis erarii Praefectum Georgium Debieum, nota fidei virum, servari. Qua occasione quaestionem in thesi (nam ad propositam hypothesin descendere non est nostrum) examinabimus, an officialis sciente & consentiente supremo reipublicae administratore (in monarchiis quippe Princeps ipse facilius potest consuli) à contraria parte corruptionem officialis intendente munera possit accipere sub hoc fine, ut consilia adversariorum resciscendo & detegendo salutem Reipublicae ipse magis eo ipso promoveat? Non quaero, an hoc tutum sit: nam nec ipse hic Arsenius plebis odium vitavit, quae sinisterius acceptum ruviorem interpretando accendebat, & ideo Princeps Mauritius sagaciter hoc praevidens munus custodiam abnuebat: sed in eo nostra vertitur quaestio, antalis minister hoc jussit quaeat facere, ita ut non incurrat Barattariam? Et licet hoc prima fronte



munita adversum donationes vestras videntur, numerum augebimus. Refer ad Dominum dona, quæ nec propace dare opus est, & summum sit nefas accipere contra libertatem. Deprehensus inopinato Verreikius, quod diceret, non habuit, nisi, si quid tale factum, Archiducum injussu contigisse: nec mirum aded, si Monachi, avarum imprimis hominum genus, alios ex se assimarent.

XXXV. Privatum ob finem corrumpuntur ut plurimum judices, arbitri, testes: & in hoc fine plura legibas nostris sunt constituta. Quin itaque Barattariam committat, qui propter causas civiles aut criminales, quæ etiam suo modo privatæ dici possunt, dubium nullum relinquitur, ut satis ex hac ipsa Disputatione elucet.

XXXVI. Quod autem plures intricatiores quæstiones circa causam finalem occurrentes possint resolvi, fundamenti loco tenenda est l. 4. de L. Jul. repet. ubi dicitur, quod prædictæ personæ non liceat quid accipere, quod magis, aut minus quid ex officio suo faciat. Hinc liquet 1. quod judici ad se corrupendum nihil liceat accipere. 2. nec, si nihil sit dictum à judice, quo animo accipiat. Menoch. arb. quæst. lib. 2. cent. 4. cas. 342. n. 27. Nam accipit, vel ut justè judicet, vel ut injustè; qui uterq; casus b. l. coercetur. Limitat hanc propositionem Farinac. d. q. 111. n. 220. & 221. si publice quid ita detur, quod tum causa suspicionis tollatur. Sed quia omnis donatio à parte litigante judici facta est prohibita, neque hæc exceptio uspiam reperitur, nos eam agnoscere non possumus. 3. nec, ut justam ferat sententiam. Conf. l. 2. §. 2. de condit. ob turp. caus. Nov. 82. c. 9. in fin. unde bene asserit Carpzov. crim. part. 2. q. 93. n. 59 quod puræ manûs sint servandæ Deo, Regi, & Legi. Add. c. 66. & 71. caus. 11. q. 3. Conf. Par. de Puteo de Syndic. in verbo Corruptio. n. 10. Quippe, ut ait Cicero, l. 1. de LL. qui mercede bonus vir est, mercede erit malus, cum justitia debeat esse gratuita. Menoch. d. cas. 342. n. 23. Nam causam bonam nec cognoscere facile est, neque, cum cognoveris, continere, ut ex Plat. de LL. ait Anthon. Matthæi d. l. c. 1. n. 7. Et qui permisit sibi capere donum ab eo, qui bono jure nititur; permittet sibi, ut eum bono jure nisi existimet, qui plurimum donaverit: magisq; argentum utrinque datum, quàm argumentum utriusque ponderabit. Tulden. d. l. c. 5. 4. nec, etiamsi justam ferat sententiam, propter dictas paulò suprà rationes. Adde l. 3. §. 1. de calumniator. Neque ergo hic locum habet pœnitentia, Par. de Puteo d. l. in voce Barattaria. n. 4.



& ita Florentiæ contra quendam judicē esse pronuntiatum refert Farinac. *d. q. n. 177.* quanquam *n. 118.* hæsitet Hoc tamen intelligitur verum, quando judex acceptum non restituit. Si enim restituisset, verè non posset dici corruptus. Menoch. *d. cas. 342. n. 31.* vid. *Speidel. in Notabil. in voc. Baratteria.* 5. neque, ut citò expediat sententiam. Menoch. *d. l. n. 26.* Suum enim facit officium lites celeriter expediendo. 6. neque, ut judex sit indemnis. Quanquam hic distinguendum est cum Par, de Puteo *d. tract. in voc. Corruptio. c. 3. n. 17.* an judex promissionem indemnitis accipet ante, vel post sententiam. Priori casu votum suum revelat, & ita committit falsum, *l. 22. C. ad L. Corn. de fals.* Posteriori casu potest, præsertim si sit exsecutor, qui solet recipere cautionem indemnitis, quando timeret exsequi, & pars condemnata magnæ potentiæ est. Liquet hinc, quòd donatio remuneratoria, quæ non sit respectu talis officii, non sit prohibita. Decian. *tract. crim. l. 8. c. 40. n. 2.* nec, quæ sit amicitiae causâ ab amico; cum attendenda sit qualitas dantis, *c. etsi quaestiones. de Simon.* Præsumitur tamen, si quis in officio recipiat ab amico, ex officii causa regulariter datum, nisi qualitas personarum repugnet, ut si sint integerrimæ vitæ, vel si concurrant aliæ conjecturæ innocentiae. Decian. *d. l. n. 8.*

XXXVII. Quæritur autem, quid sentiendum sit, si post sententiam pars victrix judici offerat munus? Multi quidem Dd. concedunt in eam sententiam, quòd judex tunc possit munus accipere. Textus tamen expressus est in contrarium in *l. fin. C. ad L. Jul. repet.* ubi sic verba sese habent: *Sancimus ejusmodi viros ... nihil penitus tam in administratione positos, quam post depositum officium pro aliquo præstato beneficio tempore administrationis, quam gratuitò meruerunt, accepturos.* Objiciunt Dd. *l. Aquilius. 27. de donation.* sed fefellit eos lectio Corporis vulgati, ubi sic sonant verba: Attilius Regulus juvenis ad Nicostратum Prætorem, cum juxta editionem Florentinam debuerit esse Rhetorem. Quam lectionem ipse insuper contextus facilè defendet, cum dicatur, quòd iste Nicostратus Regulum eloquentiâ & diligentia sua meliorem reddiderit. Datum ergo hic rhetori, non Prætori. Nec valet consecutio ista, *remuneratio est absoluta liberalitas: Ergo magistratui vel judici fieri potest.* Velat enim lex etiam remunerari judicem, ut judicem. Anton. Match.

d. c. 1. n. 8. Limitat quidem sententiam Dd. Farinac. d. q. 111. n. 213. & seq. quòd non obrineat, quando sententiam præcèssit aliqua promissio, aut promissionis suspicio, aut spes accipiendi: sed generalitati textus inhærentes, generaliter etiam negandam quæstionem censuimus. Et cum in dubio præsumatur *fraus*, teste ipso Farinac. d. n. seq. & insuper multe sint in animis hominum latebra, ut Cicero inquit pro M. Marcello; vix talis casus, quem ipse fingit, existet, aut existere saltem præsumetur. Si enim remunerari iudices liceret: inescati lucri spe, darent lites secundum locupletiores potius, quàm secundum pauperiores, quoniam horum tenuitas lucri spem præcidit, inquit Anton. Matth. d. l. & ex eo Wissebach. ad L. Jul. repet. n. 2. Contrariam quidem sententiam quoque fovit Concilium Romanum, quod tempore Mauritii actum est sub Gregorio II. quòd sc. post ordinationem aliquid gratiæ causâ liceat accipere. Ejus enim oblationem nullam culpæ maculam ingerere, quæ ex accipientis ambitu non processit, inquit Synodus. Sed bene subjicit Ærodius d. l. c. 24. *fraus admitteretur: neque interest præmio, an spo præmij quicquam à iudice fiat.* Itaque de ordinato quod diximus, aliter postea placuit, tam Concilio Chalcedonensi, quàm Braccarensi 111. Nam etiam juxta Apostolum, à specie mali abstinendum. vid. Amadæum de Synodic. ab init. n. 166. §. item si accepit.

XXXVIII. Post expositas causas hujus virii, sequitur, ut videamus ejus in jure effectus. Primus autem effectus est, quòd Barattaria omnes effectus, qui intercedunt inter corruptum & corruptum ratione contractum desuper factorum impediât, l. 8. §. 1. de L. Jul. repetund. quæ lex omnes venditiones & locationes, ejus rei causâ factas, irritas facit impeditque usucapionem, jung. l. 5. c. de legib. & Vinn. illust. quæst. i. De ipso tamen ad corrumpendum iudicem dato notum est, quia in pari causa possidentis melior est conditio, quòd illud à iudice per conditionem ob turpem causam à dante non possit repeti; l. 3. de condic. ob turp. caus. Quæritur hinc juxta l. 2. §. 2. d. tit. si dedi, ut secundum me in bona causa iudex pronunciaret, anne tum sit conditioni locus, ita ut datum possim repetere? Et prima fronte videtur locum fore d. l. iis verbis, *est quidem relatum conditioni locum esse.* & c. non sanè l. 4. q. 1. ubi Augustinus dicit: *Ille tamen solet tanquam malè sibi ablatam pecuniam repetere, qui justum iudicium emit.* Sed

in con-

in contrarium facit l. 3. d. tit. ibi, ubi & dantis & accipientis turpitudoperfatur, non posse repeti dicimus. Sed hic & dantis turpitudoverfatur; crimen enim is ipse contrahit, judicem quippe corrumpere videtur d. l. 2. qui, ut suis sit addictus partibus, pretio eum obstringit, cujus judicium liberum debebat relinqui, & neutri esse obnoxium; & judicem inducit, ut non tam ob justitiam causæ, quàm ob acceptam demum pecuniam secundum jus & æquum pronunciet. Dn. Struv. Syntag. Jur. Civ. Exerci. 18. num. 23. De accipiente minor est dubitatio, quin crimen incurrat. Non posse itaque repeti datam pecuniam concludimus. Ad oppositum ex d. l. 2. dubium respondet Menoch. arbitr. jud. quæst. Cent. 4. cas. 343. n. 7. addendam textui esse particulam negativam. Sed salvis adhuc textus verbis, dicendum videtur, ea verba proponi tanquam rationem dubitandi, non tanquam decisionem, ita ut hic sit sensus legis: Quæritur, si judici dem, ut secundum me in bona causa pronunciet, an datum possim repetere? Ratio dubitandi: est relatum, seu affirmatum à multis conditioni locum esse. Ratio decidendi: sed hic quoque crimen contrahit. Ergo &c. Sic textus, qui alioquin sibi non cohæreret, satis congruum habet sensum. D. c. non sanè. accipimus cum Menoch. d. l. n. 9. non de eo, qui sua sponte dedit pecuniam; sed de eo, à quo vi quodammodo extorta est pecunia, ut pro eo, licet justa, ferretur sententia. ibi, ablatam.

XXXIX. Secundus effectus est, quodd sententiæ effectum Barattariæ intercludat, quoniam sententia est ipso jure nulla, l. 7. C. quando provoc. non est necess. etiamsi sit justa: nam ex hoc, quod est lata per pecuniam, dicitur injusta & nulla. Paul. de Castro in d. l. 7. Quod etiam procedit, si plures sint judices, & major eorum pars sit corrupta. Farinac. d. q. 111. n. 201. qui etiam idem asserit, si duo sint judices & unus eorum corruptus, cum unus sine altero judicare non possit. Decian. d. l. cap. 39. num. 27. adde Mascard. de probat. l. 1. conclus. 166. n. 9. Quod si minor pars fuerit corrupta, & reliqui id ignoraverint, sententia iniqua per ordinaria juris remedia, ut appellationem & sim. est rescindenda. Farinac. d. l. n. 200. V. Zypæum de judice l. 1. c. 16. n. 8. In laudo distinguit Menoch. d. l. n. 11. an arbiter sit juris, & tum nullam existimat esse sententiam; an verò sit arbiter à partibus electus, & tum doli clausula locum habet.



bet, l. 31. de recept. si in compromisso adjectum sit, si quid dolo in ea re factum sit, ex stipulatu actio, l. 31. de recept. l. 3. C. eod.

X L. Tertius effectus est infamiae nota, l. ult. ibi: *astimationis dispendij*. C. de pœn. judic. qui mal. unde talis dicitur *fama sua prodigus*, & *proprij persecutor honoris*, c. 1. de Sentent. & re judic. in 6. Unde facile est resolvere, quod controversi juris esse dicit Theodor. Diss. criminal. 9. th. 1. in fin. exeg. an hoc judicio, damnatus possit ad testimonium adhiberi? quod negatur. Add. l. 6. §. 1. d. L. Jul. repetund. Nimis ergo remissè L. Lentulus, damnatus Lege Cæcilia reperundarum, nihilominus postea censor est factus, ut ex Valerio refert Aërod. d. 1. c. 23. Veniam enim dari factoveito quidem, non inusitato tamen non oportuerat (licet contrarium in causa Julii Bassi voluerit Cæpio) cum hoc vitium evertat primum constituendæ reipublicæ finem, nec ita facile ad notitiam magistratûs perveniat, Bach. ad Treutl. vol. 1. Diss. 1. thes. 9. lit. B. §. Unde resolvî potest,) & multis personis delinquentibus supplicia potius sint exacerbanda, l. 16. §. 10. de pœn. Adde l. 12. C. de dignitat. ubi sic habent verba: *Honore exuti inter pessimos quosque & plebejos habeantur, nec sibi posthac de eo honore blandiantur, quo seipfos indignos judicaverunt.* Jure tamen Canonico juxta cap. 1. de sentent. & re judic. in 6. judices Ecclesiastici præter alias pœnas lege definitas ab executione officii per annum suspenduntur. Quin nec Magnates, qui aliquantum avidius pecuniæ inhærent, vulgi dicta post mortem declinare possunt. Unde Persæ Cyrum dixerunt fuisse Patrem, Cambysem dominum, Darium verò mercatorem. Danæus Pol. p. m. 495.

XLI. Quartò talis judex litem suam facit, l. 15. §. 1. de judic. & in solidam litis æstimationem parti, quam læsit, tenetur, l. 2. C. de pœn. judic. Perez. ad d. 1. n. 2. & tenetur ad expensas & damna, quæ passus est litigator. Farinac. d. q. III. n. 36. ubi ex Neviz. addit, *Judicem isto casu esse deterioris conditionis, quàm fœneratorem: fœnerator enim restituendo usuram, quam accepit, misericordiam à Deo sperare potest, sed judex corruptus pro decem ducatis non poterit absolvi, nisi restituat damna & interesse, quæ fortè ascendunt ad mille.* Verùm ego arcanum Dei judicium non curiosius rimabor. Hoc interim verum manet, quòd judex corruptus, hoc modo pro decem aureis mille aureos quandoque solvere cogatur, Insuper locum ha-



bet contra talem judicem iniquè decernentem edictum, quod quisque juris in alium statuerit, *l. 1. quod quisque juris in al.* Denique tenetur etiam edicto de calumniatoribus, *l. 1. §. 3. de calumniator.* Obiter de concussore judice notari potest ex *Colleg. Jurid. Argent. de L. Jul. repetund. n. 6.* quòd, si adversus judicem talem agatur, auctori spoliato soli in quadruplum is veniat condemnandus, uti habet Græcus textus Nov. 8. c. 7. cujus hæc sunt verba: *αὐτοὶ τε ὑποκείμενοι τοῖς ἐζημιούμετοις τῇ εἰς τὸ τελεπλῶν ἀποδορεῖ, &* Haloander rectè vertit: *tenebantur & ipsi quadrupli restitutione ijs, quod damno affecti sunt.* Quod si judicis Consiliarius, Vicarius vel Cancellarius invito quid abstulerit, quadruplum exsolvere tenetur, cujus medietas spoliato, altera fisco acquiritur, *l. 3. C. de assessor.* Proinde non legibus conformis fuit sententia Senatus Romani, quâ, cùm Marius Priscus accusaretur ab Afris repetundarum, censuit Senatus septingenta millia, quæ abstulerat, non provincialibus restituenda, sed ærario inferenda, urbe insuper Italiaque Mario interdicendum. Conf. *l. 1. de concussion.* Judicium hoc sic exagitat Juvenalis:

*Exul ab Octava Marius bibit, & fruitur Dijs  
Iratis: at tu, victrix Provincia, ploras.*

*Ærod. d. l. c. 21.*

**XLII.** Et hi effectus ex civilibus actionibus magis dimanant. Criminaliter olim in hoc delictum gravissimè fuit animadversum. Cambyzes sedem, ubi per sordes injustè judicaverat Sisamnes iudex, ipsius cutè detracta consterni, & ibidem sedere Otanem filium Sisamnis paterno supplicio ad meliorem juris pronunciationem admonitum jussit. Darius, Persarum Rex, Sandocem Acolidis Præfectum pecuniâ corruptum cruci affixit. Alexander Severus, cùm furem unquam judicem vidit, paratum digitum habuit, quo illi oculum erueret, *ut vera eum cecitate multaret, qui non satis habuerat ex Hieroglyphico cecitatis Justitia.* Zypæus de iudice *l. 1. c. 16. n. 9.* At his temporibus, addit Decian. *d. matr. c. 36.* quod digitis opus haberet Alexander? Non sufficeret, si centimanus esset, qualem suum fingunt Poëta Briarëum. Narratur etiam de Archiepiscopo quodam Colonienfi, quòd is circa annum 1056. præsidens Archiepiscopatu, cùm cognovisset aliquos iudices in causa viduæ

duæ injustam tulisse sententiam, jussit iis omnibus ambos oculos effodi, excepto uno, quem ipse ex baptismo susceperat, cui tantum unus oculus erutus est, quod cæteros domum deducere posset: jussit præterea in longiorem rei memoriam majoremque transeuntium terrorem capita luto facta effossis oculis judicum domibus imponi. Plura vide apud Winther. *Farthen. Litigios. l. 2. c. 10. n. 21.* De his autem & similibus pœnis quæritur, an cum justitia congruat, ob nummos, rem inanimatam & ex visceribus terræ productam, hominem ad imaginem Dei conditum, eumque præ cæteris in sublimiori conditione constitutum ita gravibus pœnis subjugari? Nos cum Sutholt. *Dissert. 16. num. 37.* ita sentimus: *Proportio illa, quæ debet esse inter delictum & pœnam, non spectat absolute & nudè materiam delicti; sed habet respectum ad finem hunc, ut societas humana sit salva. Si ergo pœna sit talis, quâ non possint satis absterri à delicto, non erit proportionata, quamvis alias per se & respectu damni, quod illatum est, satis sit gravis.* Jam verò 1. is est primarius constitutorum rerum publicarum finis, ut quisque suo jure frui possit, qui finis per tales judices maximè perturbatur. 2. Judex debet ipsius justitiæ exemplar esse & receptaculum; hic verò sit contrà, ut non incongruè huc applicari queat *l. 6. C. de muner. patrim. lib. X. tit. 41.* ubi sic rescribunt Imppp. *Professio & desiderium tuum inter se discrepant: nam cum philosophum (judicem) te esse proponas, vinceris avaritiâ & rapacitate.* Dn. Tabor *de Metat. part. 3. c. 3. n. 6.* 3. Judicis munus est publicum, qui autem in publicis peccat, gravius peccat, quàm qui in privatis. 4. Facile evenire potuit, ut, multis personis grassantibus, maleficiorum supplicia fuerint exacerbata. Et iis rationibus prædictas pœnas non existimo à jure alienas. C. Cato duorum clarissimorum hominum nepos L. Pauli, & M. Catonis, P. Africani sororis filius & vir consularis ob nostri æris acceptos CCCCL. coronatos, quod respectu talis viri erat levis, repetundarum damnatus est, & Tarracone exulavit. Pet. Ærod. *d. lib. 9. tit. 3. c. 4.* Quin LL. XII. Tabb. capite multabatur judex arbitervé jure datus, qui ob rem dicendam pecuniam accepisse convictus erat, ut ex Gellio refert Menoch. *d. cas. 342. n. 5.* Idem jus Athenis erat, si quis corruptus esset, sive corrupisset. Ærod. *d. l. c. 13.*

XLIII. Mitiùs tamen & meliùs posteriores nostræ le-

ges pro ratione circumstantiarum poenas irrogandas voluerunt; l. 2. §. 2. de Lege Jul. repet. Et quidem juxta eas distinguendum est inter causas civiles & criminales. In civilibus causis punitur Barattarius, juxta *Auth. novo jure C. de pæn. judic. dati triplo, promissi duplo à fisco exigendo*; dignitate simul seu cingulo amisso. Non tamen plectitur tantum pecuniaria pœnâ, ut existimat Farinac. d. q. 111. n. 166. sibi contrarius n. 26.. sed etiam pœnâ corporali & extraordinariâ, uti expressus textus est in l. 38. §. 10. de pæn. ubi *judices pedanei*, qui de civilibus duntaxat causis cognoscunt, si pecuniâ corrupti dicantur, in exilium mittuntur, in insulam deportantur. Ant. Matth. de L. Jul. repetund. c. 2. n. 4.. Quod ipsum etiamnum in Praxi obtinere patet ex Carpzovio *crim. part. 2. q. 93. n. 53.* cujus hæc inibi sunt verba: *Sic pronunciavimus Martino Stanien in Zittau. Ist in der zwischen Euch und Eurem Nachbar wegen streitiger 100. fl. für denen Gerichten zu O. rechthänztgen sachen ein Brithel von einer außländtschen Universitât eingeholet / und eurem Gegenpart die zahlung zu leisten / darinnen zu erkant worden / welches Brithel aber der Richter selbstes orths unterschlagen / und eurem Widerpart zu gefallen / von dem er sich eurem vermuthen nach / mit Gelde stecken lassen / eine widrige sentenz gefället / und benannten euren Widerpart absolviret / derowegen ihr gedachten Richter in Anspruch zunehmen vorhabens seye. Da ihr nun solches über ihr gebührlichen auffführen möchtet / so wurde er seines richterlichen Ampts bittsch entsetzet / und möchte hierüber mit ewiger landesverweisung / oder auch wohl mit einer leibes Straffe belegen werden. B. X. B. Mens. Dec. An. 1625.*

XLIII. In causis criminalibus Magistratus corruptus vel ex *Auth. novo jure. C. de pæn. judic. confiscatis omnibus bonis in exilium mittitur*, vel ex L. Corn. de fals. aut ex L. Julia repetundar. quam certissimum argumentum summe avaritia Romanorum dicit D. Hieronymus in *Esajam c. 13.* & ex eo Cujacius in *C. ad L. Jul. repet. pro admissi qualitate punitur*, aded, ut si innocentem interfici jussit pecuniâ corruptus, capite plecti debeat, l. 7. §. ult. de L. Jul. repet. & tum concurrit accusatio ex L. Cornel. de sicariis. Add. Damhoud. *Prax. crim. c. 132. n. 3.* JCrus quidem Modestianus in l. 20. de accusat. scribit, in repetundarum judicio, mortuis etiam reus, cum quibus nihil actum est, adhuc bona eorum fisco vindicari: sed hanc legem



Legem mutatam autumo per Nov. 134. c. ult. quæ vetat fieri publicationem bonorum; si quidem habeant descendentes & ascendentes usque ad tertium gradum: in majestatis verò crimine veteres leges servari jubet. Cùm ergo crimen majestatis solum excipiat, crimen repetundarum manebit sub regula ibi proposita.

XLV. Si socius vel minister judicis Barattariam commiserit, judex in pœnam quadrupli tenetur per l. i. C. ad Legem Jul. repet. si autem ipse in vim mandati, aut in vim ratificationis delicti quodammodo sit particeps, tum etiam extraordinariè punitur. Farinac. d. q. iii. n. 147. Hoc tamen verum, si custodes, ut dicit Paris de Puteo de Syndic. in verbo Familiaris. c. 2. n. 25. sint de familia potestatis, tum tenetur potestas; secus, si erant positi à republica: quia ipsi custodes tantum tenentur. C. de custod. reor. l. Ad commentariensem. Quod ipsùm de custodibus propter identitatem rationis in cœteris quoque ministris locum habet. Ministri autem tales tenentur L. Jul. repet. l. i. pr. ibi. vel cùm ex cohorte ejus eorum est. ff. de L. Jul. repetund. Nov. 8. c. 7. in fin. etiamsi domino hi ministri adjumento fuerint in rem domini, non in suam utilitatem, cùm parentes mandato rei turpis sese obligent ad pœnam: unde Cæcilius Classici ministris aliis exilium in quinquennium est irrogatum & uni ex iis Italia in biennium interdicta. Ærod. d. l. c. 22.

XLVI. Quemadmodum judices eorumque ministri, ita & aliæ personæ corruptæ extraordinariè puniuntur. Legati expressis verbis continentur in l. i. pr. de L. Jul. repetund. Athenis Legatus quidam, licet probatissimam omnibus Atheniensibus pacem cum Rege Persarum confecisset, quia tamen in legatione munera contra ipsorum ll. acceperat visus fuerat, parùm absuit, quin occideretur, ut ex Xenophonte refert Theodor. crim. Diss. X. §. i. lit. c. Legati Romani ad Ptolomæum missi, munera, quæ ab eo privatim acceperunt, in ærarium detulerunt. Dux Muscovitarum aufert Legatis ad se redeuntibus munera. Hermolaus Barbarus à Venetis ob accepta munera exulare jussus est. vid. Theodor. d. l. De similibus simile est judicium. Unde Demosthenes, cum Harpalum, qui conscientiam scelerum, metu Regis Alexandri M. ex Asia Athenas cum ingenti pecunia profugerat, ab initio, belli vitandæ causâ, recipiendum dissuaserat,



& postea 20. talentis argenti corruptus, dum iussus erat sententiam iterum dicere, tacuerat, & anginam excusaverat, mulctari summâ quinquaginta talentorum, atque in carcerem duci à populo iussus est: sed elapsus ipse Trœzenem fugit in exilium. *Ærod. rer. judicat. l. 9. tit. 3. c. 2.* De testibus corruptis in Nemesi Carolina art. 64. ita cautum est: *Belohnnte Zeugen sind auch verworffen und nicht zulässig, sondern peinlich zu straffen.*

XLVII. Vidimus corruptum. Corruptus quoque, tanquam causa Barattariæ, similiter ut corruptus arg. l. 1. C. de cupressu. L. XI. Amadæus de Syndic. ab init. n. 169. §. & adverte. & civiliter & criminaliter punitur. Civiliter, dum 1. datum repetere non potest, l. 2. §. sed si dedi, de condict. ob turp. caus. 2. amittit causam, l. 1. §. 3. de calumniator. l. 1. C. de pœn. judic. actor scil. actionem, reus exceptionem, d. l. 1. §. 3. l. 29. pr. de jure fisci. Ad id tamen requiritur sententia condemnatoria, arg. d. l. 29. Paul. de Castr. ad C. de pœn. judic. 3. Sententia hoc modo pro ipso promulgata est ipso jure nulla, l. 7. C. quand. provoc. non est necess. 4. Competit adversus eum dictum, quod quisq. juris &c. 5. Notatur infamiâ, l. 1. de his qui not. infam. l. 7. de publ. judic. scilicet si exinde judicii publici causam habuit, aut id crimen ex ea actione suâ, quæ etiam in privato judicio infamiam condemnato importat, d. l. 7. quamvis potius hoc referendum sit ad pœnam criminalem. Criminaliter pro qualitate delicti, personarum & aliarum circumstantiarum teste Decian. d. l. c. 39. convenitur vel ex L. Cornel. de falsis. l. 1. de l. Cornel. de fals. vel L. Julia repetundar. idque pecuniariè in quadruplum, l. ult. C. ad l. Jul. repetund. aut etiam extraordinariè. Unicus autem casus exceptus est l. 1. de bonis eorum qui ante sentent. si videlicet in capitalibus criminibus reus adversarium corruptit, quod ipsi non nocet: nam ignoscendum censuerunt ei, qui sanguinem suum qualiter qualiter redemptum voluit. Nec solum corruptus, sed etiam corrumpere tentans, etsi res effectu caruit, extraordinariè punitur, arg. l. 1. pr. & §. 2. de extraord. crimin.

XLVIII. Atque ita vidimus, quomodo Barattaria constituitur & puniatur: nunc videamus, quibus modis finiatur. Et quidem corruptus liberatur, si dicit se dedisse alicui, vel promississe, & personam declaraverit, & hoc praverit, Auth. novo jure. C. de pœn. judic. unde

unde Gothofred. in not. ad d. Auth. dicit : *Corruptori medicina est concessio*. Idque ideo, ut fraudes iudicum deregantur, & ne per has quisque damnum accipiat. Perez. ad C. d. 1. n. 3. Aliæ actiones & accusationes communibus modis extinguuntur. De accipientis pœnitentia suprà vidimus. De cuius heredibus hoc saltem notandum, quòd in eos intra annum adhuc à morte corrupti in solidum detur actio, l. 2. de L. Jul. repetund. post annum in id, quod ad eos pervenit. Excluditur aliàs criminis hujus accusatio præscriptione viginti annorum, l. 12. C. ad L. Jul. Corn. de falsis. Cujac. ad C. L. Jul. repetund. Casus v. l. 5. C. ad L. Jul. repetund. spectat tantum eò, ut ostendat, ei, qui se dicit concussus à comite domorum, ea propter anni inducias ratione pensionum fisco exsolvendarum dari, non verò in totum accusationem post annum tolli. Gothofred. ad d. l. 5. lit. f. & t. Dispensatur de crimine, cum ob merita alicujus hoc crimen præponderantia venia admitti conceditur. Sic M. Aquilius, à P. Lentulo subscriptore C. Rutilio Ruffo accusatus, multis avaritiæ testimoniis vincebatur. Veruntamen, quia cum fugitivis fortiter bellum gerendo multa vulnera acceperat, M. Antonius, dum pro eo perorabat, tunicam ejus abscidit, ut populus Romanus iudicesque honestas cicatrices aspicerent, propterea est indubitanter absolutus, ut ex Cicerone, Quintiliano & Asconio refert Ærod. rer. jud. l. 9. tit. 3. c. 8.

XLIX. Affinitate huic crimini quàm maximè juncta est *concussio*, quâ etiam pecunia, sed sub terrore potestatis, extorquetur. vid. Dn. Struv. ad tit. de *concussione*. Solet ea etiam sub vocabulo Barattariæ latius acceptæ comprehendi, unde & quædam de ea incidenter monuimus : corruptio tamen magis passivè, concussio magis activè officialibus inest. Damhouder. *Prax. Crim.* c. 132. n. 2. Nec dissimiles illi sunt corruptis iudicibus, qui re aliqua accepta vel sibi promissa, expeditum litis eventum promittunt, l. 10. C. de *accusat.* Vocantur hi sumi venditores. Talis apud Heliogabalum fuit Zoticus, qui plurimos ita fefellit; & maximas inde sibi speravit divitias. Fuit etiam talis apud Alexandrum Severum, nomine Thurinus, qui cum Imperatoris familiaritate gauderet, omnia sic fingendo vendiderat, ut Alex-

xandri

xandri, quasi stulti hominis, & quem ille in potestate haberet, infamaret Imperium. Qui Thaurinus cū saepe & ab utraque parte convictus esset accepisse, jussu Alexandri in foro transitorio ad stipem ligatus, fumo appposito, qui ex stipulis atque humidis lignis factus erat, enecatus est, præcone dicente: *Fumo punitur, qui vendidit fumum.* Ex Lamprid. Menoch. arbitr. quest. cas. 344. ubi plura possunt videri.

L. Contrarius huic vitio est justus & legitimè sibi competentibus acquiescens animus.

*Præstat supellex sobria,  
Rectèq; parva reclusa,  
Quam rapta per vim divitum  
Fastidiosa copia.*

Laudatu dignissima est illa vox Samuëlis, quā se ab ullo nec bovem nec ovem summissee protestatur, 1. Samuel. 12. v. 5. Laudatissima etiam sunt illa Romanorum nomina, de quibus Poëta Claudianus:

— -- -- -- -- contentus honesto  
*Fabricius parvo spernebat munera regum,  
Sudabatq; gravi Consul Serranus aratro,  
Et casa pugnaces Curios angusta tenebat.*

Eugenius etiam Papa nullum omnino munus hominis litigantis recepit, aut cui litem crederet imminere, sed ad Priorem quendam muneribus litigaturum eleganter dixit: Nondum domum ingressus es, & jam vis corrumpere Dominum. Winther. Parthen. litig. l. 1. c. 12, n. 14. Idem l. 2. c. 10. n. 27. ait: Memorabile, sed mihi ridiculum, boni Judicis exemplum subjungo, quod refert Marchisell. qq. pract. 18. n. 5. ex mente Petri de Palude p. 2. tit. 1. c. 1. quendam in Francia invenisse linguam humanam vivam, quæ interroganti respondit, se esse linguam hominis Pagani, qui diu judex fuerat & nunquam sententiam injustam emiserat, ob id Deus animam suam in illo membro servasse, donec Baptismum reciperet. Quam cum Episcopus baptizaverat, confestim in pulverem resoluta. Videte, inquit, quam diligat Deus judicem bonum, & malum puniat!

LI. Hactenus ea consideravimus, quæ ad jus theoreticum

cum magis spectant : nunc paucis etiam contemlemur, quæ præx in magis contingunt. Occurrunt ibi primò actiones & accusationes contra personas Barattariæ reas instituendæ. Has autem suprà jam vidimus; uti etiam ex jam dictis facile est eruere pro natura cujusque actionis, cui, adversus quem, & ad quid unaquæque intentetur : ut verbi causâ querela nullitatis super ejusmodi sententia competit parti læsæ ejusque heredibus adversus corruptum judicem & corruptorem ejusque heredes, ut sententia declaretur nulla : accusatio ex L. Julia repetundarum competit iis, qui aliàs accusare possunt, servato tamen ordine juxta l. 16. de accusat. Quos ipsos ad accusandum excitant Imperatores sub promissione, si delatum crimen approbent, quod victoriam reportaturi sint, & gloriam, l. 4. C. ad L. Jul. repet. Unde duos Latinos Tibures civitatem adeptos fuisse, quod duos Senatores Cælium & Massonem accusassent & damniassent repetundarum, refert Decian. d. l. c. 34. n. 5. Intenditur hæc accusatio contra corruptentem & corruptum ad pœnas pro diversis circumstantiis diversas. Quæritur autem, si pars læsa suum interesse sit consecuta, vel etiã ex actione v. g. de calumniatoribus pœnam quadrupli; an etiam tum extraordinaria pœna adhuc possit infligi? Quod nos affirmamus arg. Nov. 8. cap. 7. in fin. & arg. l. penult. §. 1. de L. Cornel. de fals.

LII. Quæmadmodum actiones, ita & exceptiones competunt : inter quas primo loco obvenit exceptio recusationis, quæ competit ei, qui justam suspicionis causam habet, adversus judicem suspectum, ne sit in illa causâ judex. Quia autem justæ recusationis causæ sunt omnes illæ, quæ repellunt testem tanquam suspectum, Gail. 1. Obs. 33. n. 9. nullus in judice corrupto scrupulus potest esse, quin ex Barattaria possit recusari. Potest hæc exceptio de Jure Canonico contra quemvis judicem opponi, c. 4. ext. de for. compet. Quod aded verum in nostro casu existimamus, ut ei non obstet interveniens rescriptum Principis cum hac clausula, remota recusatione : cum illa tantum sit intelligenda de levibus suspicionibus. Gail. d. Obs. n. 5. Efficit recusatio, ut post eam judex in causâ supersedere, nec ad ulteriora procedere debeat : aliàs processus erit ipso jure nullus. Gail. d. l. n. 12. Deinde etiam nullitas per modum exceptionis



potest proponi. Quæritur autem, *an tum post sententiam latam decernenda sit inhibitiō?* Et distinguendum est, an nullitas sit notoria, seu quæ ex actis appareat, Gail. *Obs.* 77. n. 7. an verò non sit notoria. Priori casu decernitur inhibitiō, posteriori non, uti præjudicio Camerali hoc confirmat Mynsing. *cent.* 4. *obs.* 64. Plures species exceptionum ex loco de exceptionibus peti possunt.

LIII. Jam videndum, ubi hæc actio sit instituenda, si-  
ve quis sit locus competens hujus judicii? Lege Zenonis, cui  
similem quondam in Gallia fuisse refert Ærod. *rer. judic. lib.* 9.  
1. 3. c. 4. *in fin.* constitutum fuit, ut omnes Judices, Præsides qui-  
dem & consulares, nec non correctores in metropoli, spectabi-  
les verò judices tam civiles, quàm militares in civitatibus admi-  
nistratæ dioceſeos post administrationem depositam quinquaginta dies permanerent, ut pateret omnibus facultas libera super  
furtis aut criminibus querimoniam movendi, *l. unic. C. ut omn. jud. tam civ. quàm mil.* Sed mutato rerum statu & hoc mutatum  
est. Absoluti ergo Magistratûs corrupti, quoniam terrenum  
judicem neminem agnoscunt superiorem, in valle Josaphati,  
uti vulgò loqui amant, sortiuntur forum competens, ubi tunc  
de iis obrinet versiculus:

*Ante fui judex, nunc judicis ante tribunal*

*Consistens, paveo; judicor ipse modo.*

Sciant igitur & illi, quòd non magis alios judicent, quàm ipsi judican-  
tur, cum etiam ipsis magis, quàm paribus terribile judicium est; siquidem  
litratores sub hominibus, ipsi autem Deo inspectore adhibito causas profe-  
runt trutinandas, *l. 14. pr. C. de judic.* De Cameræ Imperialis  
Personis ita statutum O. C. *part.* 3. *tit.* 53. *§. fin.* Wo aber eini-  
ge Parthey vermerkt / oder sich auß der Revision / wie obgeſetzt / be-  
finde / daß auß Betrug oder Argliß von Geschenk / Mied / Saab /  
Witt / Freundschaft / Feindschaft / oder anderer dergleichen Urſa-  
chen wegen / ein nitrichtige und ungerechte Urtheil gefället und ge-  
geben wäre / dieselbe Parthey soll in diesem Fall jederzeit sich nicht  
allein der Revision / wie obgemelt / zu gebrauchen / sonder auch ſug-  
und macht haben / die Urtheiler / so angezeigter geſtalt gehandelt /  
ad Syndicatum zu ſtellen / und wie ſich deß Dreß / vermög der  
Recht / gebührt / gegen ihnen zu handeln : doch dergestalt / daß die  
Parthey / so Syndicat fürzunehmen willens / ſolchs unſern Def-  
ſen

fen dem Erz-Bischoff zu Meins/ Churfürsten/zween Monat vor  
prima Maj zu erkennen geben/ darauff gedachter Erz-Bischoff die  
Kays. Mayst. oder Ihrer Lieb. uñ Kays. Mayst. abwesens/ Uns als  
Röm. König/ auch den Churfürsten/ Fürsten/ Prälaten/ Grafen  
und Ständen/ so zu der jährlichen visitation verordnet/ schreiben/  
Ihrer Lieb. und Kays. Mayst. oder Uns und Ihnen solches anzeigen/  
mit begehren/ Unser Commissarien/ auch Ihre treffliche/ erfahrene/  
geschickte und gelehrte Räte zu schicken/ in solcher sache vermög der  
Rechten zu handeln/ und die billigkeit zu verfügen/ auch den Process  
derhalben fürzunehmen/ In massen hie oben der Revision halben  
gesetzt/ und sich sonst nach Ordnung der Kays. Mayst. Unser und  
deß Reichs gemeinen Rechten zu thun gebühret. Statüs Imperii  
si de Barattaria conveniuntur, quando ea probata est, per Fisca-  
lem in Camera Imperiali juxta R. l. de Anno 1654. §. Wann sich  
auch. 102. vel in Iudicio Cæsareo Aulico ad penam adiguntur.  
Si in Civitatibus Imperialibus unus vel alter in Magistratu Ba-  
rattariam committit, adhuc ille vel illi conveniendi sunt co-  
ram majori parte Magistratus, uti & in reliquis causis civilibus  
& criminalibus fieri assolet; cum aliud sit collega, aliud colle-  
gium. Magistratus mediatus, seu Legatus coram Domino  
suo proximè superiore conveniendus est: qui Dominus supe-  
rior si negligens sit, So solle gegen der schuldhaften Obrigkeit  
so wohl/ als deren geordneten Unterrichtern gebührende Bestraf-  
fung fürgenommen/ und durch unsern Kayserlichen Fiscal zu ein-  
bringung solcher Straff/ wie sich gebühret/ verfahren werden/ ait  
d. Recess. d. §.

LIV. Circa modum procedendi (qui qualis olim fuerit,  
potest videri apud Decian. d. l. c. 51.) sequentia veniunt anno-  
tanda. Primò non facillè admittuntur istiusmodi processüs,  
cum simile de Magistratibus possis affirmare, quod Pontifex de  
præpositis Ecclesiæ, c. 24. ext. de accusation. Quasi signum sunt po-  
siti ad sagittam. Et quia non possunt omnibus complacere, cum ex of-  
ficio suo teneantur non solum arguere, sed etiam increpare: quin etiam  
interdum suspendere, nonnunquam verò ligare: frequenter odium multo-  
rum incurunt, & insidias patiuntur. Et ideo sancti Patres providè  
statuerunt, ut accusatio privatorum non facillè admittatur, ne concussio co-  
muni corrumpat adificium. Nam cum utraque pars, quæ ad judi-

cium convolat, existimet se bonam fovere causam, una verò tantum pars eam re vera foveat, & ergo altera necessarîo sine suo proposito excidat, facîle hinc adversus judicem contrahitur odium. Ne tamen viam justitiæ hoc in casu quis sibi præclusam conqueri jure possit, salubriter adhibetur quandoq; revisio, visitatio, ut & alia remedia, quæ proponit Dn. von Eckendorff im Teurscher Fürsten Staat / part. 2. c. 10. n. 12. De personis Camerae Imperialis (ad quas optimo jure possis applicare illud Charisii in l. unic. §. r. de Offic. Præf. Prætor. ubi ait: Credidit Princeps, eos, qui ob singularem industriam, explorata eorum fide & gravitate, ad ejus officij magnitudinem adhibentur, non aliter judicatos esse pro sapientia ac jure dignitatis suæ, quàm ipse foret judicaturus) constat, quodd, uti & in revisione sit, illi non possint syndicari, nisi prius arctissimum juramentum à parte adversa præstetur, & deinde magna pecuniæ quantitas in casum succumbentiæ deponatur. De Statibus Imperii cautum est R. I. de Anno 1654. §. 98. & 99. quodd ad querelas subditorum à Camera Imperiali processus non facîle contra eos debeant decerni, sed prius ab ipsis Statibus literæ informatoriæ requiri. Notari insuper potest, quodd in exceptione recusationis, causa recusationis confestim in Camera Imperiali ab initio probari debeat, alioquin eam allegans incurrat pœnam Ordinationis, uti exstat præjudicium de Anno 1663. 5. Junij apud Blumium Chiliad. Sentent. num. 933. in fin. Ist gegen gedachtem Dr. M. umb willen / derselbe nicht alsobald / bey anzeigung der Ursach dieser Recusation / solche bescheint / die Straff der Ordnung hiemit vorbehalten.

L. V. Probatio hujus criminis requiritur ab eo, qui judicem Barattariæ arguit, & non hac de re ex rumore statuendum, ut bene sentit Tiberius apud Tacit. *Annal. lib. 3. cap. 69.* Nam & Aristides justus à nefariis hominibus potest accusari. Decian. *dist. loc. c. 36. num. 19.* Præsumtio etiam integritatis militat pro Officialibus, arg. l. 2. de offic. civ. judic. tum, quia digni visi sunt, qui huic muneri adhiberentur, tum propter præstitum jus jurandum in principio officii, & neminem Divini timoris, contemnendo jus jurandum, arbitramur immemorem, ut salutis propriæ ullum commodum anteponat, inquiunt ipsi Imp. l. ult. C. ad L. Jul. repetund. cum aliâs in genere nemo præsumatur malus, donec pro-



probetur contrarium; Invidiosa igitur vox est illa Viviani apud Farinac. d. quæst. III. num. 263, ubi ita dicit: *De jure communi in officialibus præsumitur fraus & voracitas, præsertim in potestatibus terrarum habentibus vultum terribilem, imò dicit hanc non esse solam præsumtionem, sed puram veritatem, loquens de officialibus regni Neapolis, & quòd scit, qui scribit.*

LVI. Hoc tamen singulare est, quòd, licet deferens judicem; qui dicit se dedisse vel promississe, non probaverit, tamen judex debeat jurare; quòd neque per se neque per aliam personam acceperit aut promissionem habuerit, *Auth. Novo jure. C. de pœn. judic. ibiq; Bald. vid. etiam Brunneman. ad d. Auth.* Quod ipsum quidem mirum videri possit, cum actore non probante reus absolvatur, neque juramento sit onerandus. Sed causam hujus singularitatis esse autumo, quòd crimen hoc sit occultum, & delitescat plerumque sub difficultate probationis; unde etiam admittuntur testes, qui aliàs essent inhabiles. *Mascard. de probat. vol. I. conclus. 166. num. 3.* Si tamen agatur ad pœnam extraordinariam infligendam; requiruntur idonei testes, vel apertissima documenta, vel indicia ad probationem indubitata, & luce clariora, *l. fin. C. de probat. c. 32. ext. de Simon.* Prædictum jus jurandum si sit præstitum, liber erit judex; à deferente autem, qui ostendere non potuit, in causa pecuniaria æstimatio litis exigitur per Comitum rerum privatarum, seu cogitur tantum filco inferre, quanti res est, de qua lis mota fuit. *Perez. ad C. dict. tit. num. 1.* In criminali causa, bona omnia confiscantur. Sed si persona à litigatore manifestata recusat jusjurandum, memoratis pœnis adhuc subjacet. Si quis verò litigantium juraverit, se non dedisse vel promississe, si intra decem menses post sententiam memoratam ostendatur dedisse vel promississe, dictis pœnis æquè & dantes & accipientes subjiciuntur, *d. Auth.*

LVII. Ex loco præsumtionum notari potest, quòd ipso jure præsumatur aliquid acceptum esse: 1. si Proconsul ante se Legatum suum de provincia dimittat, *l. 10. §. 1. de offic. Procons.* 2. Si Senator navem maritimam habeat, *l. 3. in fin. de vacat. mun.* Sed hæc duæ præsumptiones apud nos locum vix invenient, cum Proconsulatus non amplius inveniat, & mercatores æquè, ac alii, ad magistratum admittantur


tur, indignante licet Lipsio in *Polit. l. 3. c. 6. n. ult.* Quo ipso tamen infensitū adhuc mercatoribus obistere videtur *c. efficiens. 11. distinct. 88.* cui textui nihilominus satisficit per subjectam statim inibi annotationem. 3. Si in acceptum feratur opus publicum faciendum, frumentum publicè dandum, præbendum, sarta recta tuenda, antequam perfectæ, probata, præstita lege erant, *l. 7. §. 2. de L. Jul. repetund.* Dn. Struv. *Disp. Crim. 10. num. 4.* Nec innocentie præsumptio est, quod accusatus ipse alios de eo crimine accusaverit. P. Oppium avaritiæ in Bithynia exercitiæ reum fecit M. Cotta, qui huic suffectus à Cajo Carbone ejusdem criminis convictus est, & hic ipse à Cotta Filio. *Ærod. d. l. c. 9.*

L VIII. Refert idem Ærodius *c. 22.* quod notati sint Cleon & Themistocles, quia, cum in tenuibus facultatibus ad Rempublicam accessissent, ille rem quinquaginta, hic centum talentorum heredibus reliquisset. Quæstio hinc emergit, an qui pauper ad Magistratum accesserat, si postmodum ad lautiorē fortunam adspiret, nec appareat, unde hæc divitiæ provenerint, an præsumatur talis persona eas ex Barattaria esse nacta? Quod ipsum, nisi aliæ conjecturæ simul adsint, negandum existimo ex generali præsumptionum indole, quæ ad melius in dubio fertur: & uti sunt arcana regni, quibus regnum amplificatur; ita etiam sunt arcana domus, quibus res familiaris augetur, eaque aliis manifestare non tenemur. In Themistocle tamen, quia is esculenta & potulenta sibi oblata improbato modo vendidit, & ita publicè cupidum suum quaquā viâ rem faciendi animū ostendit, & similibus præsumptioni Barattariæ locum esse arbitror. Cætera ex materia probationum & præsumtionum facile possunt suppleri.

Et hæc pro ingenii tenuitate de hac materia afferre visum fuit. Clausulæ loco, quam principio sui tractatūs *de arbitrariis judicium questionibus* præfixit Menochius, subjungam Impp. Leonis & Alexandri constitutionem, quæ inter Constitut. Imperator. ab Enimundo Bonafidio

fidio interprete verba exstat, & sic sese habet:  
*Existimo equidē eorum neminem, qui iudiciario  
 fungitur munere, eò unquam stuporis aut in-  
 scitiae prorupturum, ut aliter, quàm ex prae-  
 scripto legum, iudicium sententiamvé ferre au-  
 deat. Quod si quis in tantam evaserit demen-  
 tiam, reus peractus, eas dependet pœnas, quæ le-  
 gibus irrogatæ. Sin fortè nos effugerit, non per-  
 vigilem tamen atque insomnem oculum; cui nihil  
 non, quantumlibet occultum sit, patere poterit.  
 Tametsi id ipsum imprecationibus quoque di-  
 risq; execrationibus stabilire ac firmare non ab-  
 re alienum censuimus. Inveniat itaque iste &  
 Deum & cœlestes omnes atque incorporeas pote-  
 states sibi nunquam non adversantes, immatu-  
 rè ex hac vita excidat potius, quàm excedat. In-  
 commodis insuper afficiatur perpetuis. Ipsius  
 ædium fundamenta ignis tandem devoret, &  
 posteritas eò redigatur inopiæ, ut panem ostialim  
 queritet. Atque hæc jure sanè optimo, quòd le-  
 ges, quas liberrimas esse oportuit, servas quo-  
 dammodo atque captivas effecit fictorum præ-  
 worumq; iudiciorum.*





# COROLLARIA

Continentia casûs, quos enodandos proponit

DN.

HARSDORFFER in *Schauplatz*

*lustiger und lehrreicher Geschichte/*

*sub N. LXXXI.*

CAS. I.

**R**ustico vulpes gallinam eripuerat, hanc venator  
 Explodendo sclopetum à vulpe consequitur ;  
 cùm rusticus peteret gallinam, oblato etiam pretio istius  
 explosionis sclopetariæ, nolleretque venator restituere,  
 quærebatur, utrùm ejus facta sit gallina, qui eripuit, an  
 rustici manserit ? Nam genere quodam venandi eam nactus  
 erat venator, & quemadmodum terra marisq. capta, cùm  
 in naturalem suam laxitatem perveniunt, desinunt eorum  
 esse, qui ceperunt : ita ex bonis quoque nostris capta à be-  
 stiis marinis & terrestribus, desinunt nostra esse, cùm effuge-  
 runt bestia nostram persecutionem. Quis denique manere  
 nostrum dicit, quod avis transvolans ex area aut ex agro  
 nostro transtulit, aut quod nobis eripuit ? Si igitur desinit,  
 si fuerit ore bestia liberatum, occupantis erit, quemadmo-  
 dum piscis, vel aper, vel avis cùm potestatem nostram evasit,  
 si ab alio capiatur, sit ipsius. Sed puto potius, manere illius  
 rustici tamdiu, quamdiu recipari possit, licet in avibus  
 & pisci-

4. d.  
 A. D.

& piscibus verum sit, quod scribitur. Gallinarum enim non est fera natura, & licet conspectum nostrum fugerint, quocunque tamen loco sunt, nostra esse intelliguntur. Si igitur manet, arbitror furti etiam competere actionem. Licet enim non animo furandi venator fuerit persecutus, quamvis & hoc animo potuerit esse, sed etsi non hoc animo persequutus sit; tamen, cum reposcenti non reddit, suppressere & intercipere videtur. Quare & furti & ad exhibendum teneri eum arbitror, & vendicari exhibitam ab eo gal-  
linam posse.

§. 16. Inst. d.  
R. D.

## CAS. II.

Profecturus quidam gallinas suas elegantioris formæ amico mandat alendas, cum donatione ovorum pro hac custodia, & cum promissione refundendi statim subreditu pretii in alimenta consumpti. Eo absente magna oritur annonæ caritas, ita ut pretium alimenti in gallinas impensi bis vel ter pretium ipsarum gallinarum exsuperet. Reversus postea Dominus pro frumento plus exsolvere renuit, quàm illud constitit tempore sui discessus, offerendo pro impensis ipsas gallinas. Quamvis itaque in causa mandati etiam illud, vertatur, ut interim nec melior causa mandantis fieri possit, interdum melior, deterior verò nunquam; commodissimè tamen illa forma in mandatis servanda est, ut, quoties certum mandatum sit, recedi à forma non debeat; at quoties incertum vel plurium causarum, tunc, licet aliis præstationibus soluta sit causa mandati, quàm quæ ipsi mandato inerant, si tamen hoc mandatori expedierit, mandati erit actio. Certum igitur mandatum de alendis gallinis mandatoreni nostrum in solidum mandati obstringit.

l. 3. pr. man-  
dat.

l. 46. man-  
dat.

G

CAS. III.

CAS. III.

Piscator scapham suam in ripam deducit, non tamen alligat. Molitoris asinus aquandus, ob turbidam in ripa aquam, conscendit illam scapham, eamque ita commovet, ut vi fluminis abrepta pessum iverit, ipseque asinus submersus fuerit. Piscator scapham à molitore, molitor asinum à piscatore poscit. Et quanquam piscator in non alliganda scapha negligens fuit, talis tamen in sua re, suo jure, fuit. Nullo autem jure molitor permisit asino suo, ut scapham alienam commoverit, & ita damnum dederit rei piscatoris. Tantum ergo abest, ut asinus, quem suâ culpâ amisit, molitori à piscatore debeat restitui, ut potius ipse ex Lege Aquilia de scapha piscatori teneatur.

l. 21 C. man-  
dan.

CAS. IV.

Italus Genuâ institori suo in Hispania per literas, Italico sermone, 102. simias sibi transmitti mandat. Hispanus plures venales non reperiens, transmittit solum 53. Genuensis pretium harumolvere recusat, prætendens se unam aut duas simias tantum mandasse sibi coëmi, cum o Italicum sit idem, quod aut Latinis, facileque suam hanc mentem ab Hispano potuisse conjecturari. Licet igitur primò inspiciendum sit, qua mente quid actum; tamen si de eo non satis constar, mandatum obscurum aut ambiguum nocebit ei, in cuius fuit potestate apertius scribere. Potuit autem hoc Genuensis scribendo vel expressis verbis sine numeris; vel cum numeris ita 1 ove 2; vel adhuc ita 1, o 2. Mandati igitur actio ab eo non enervatur.

l. 4. de R. J.  
arg. l. 39. de  
vult.

CAS. V.

Mercator gregem per mare transportandum navimponit.